

欽定石渠寶笈續編

欽定石渠寶笈續編

第五十三

寧壽宮藏

十

列朝名人書畫

二

宋徽宗換鵝圖

一卷

本幅絹本縱八寸三分橫五尺五寸三分淺

設色畫王羲之故事自題右軍本清真

缺半字

瀟灑在風塵山陰遇羽客要此好鵝賓掃素  
寫道經筆精妙入神書罷籠鵝去何曾別主

人宣和殿製書鈐瓢印玉壺又長印宣和

引首神妙鈐印三張圓張印方印之

後幅前人題跋

臣陳康伯黃侶寧吳道一何仲實錢子昇同日拜觀神翰于遼寧閣四月十一日

鑒藏寶璽

八璽金

樂壽堂鑑藏寶古希天子壽八徵

耄念之寶

收傳印記紹興宏文之印山輝賞鑑

謹按陳康伯字長卿弋陽人紹興末石僕射相孝宗

宋徽宗畫唐明皇訓子圖 一卷

本幅絹本。縱九寸八分。橫四尺五寸一分。設色畫。自題。唐人所畫明皇訓子圖。喜其畫法工巧。神采奕奕。當時九熊過庭之意。描寫殆盡。機暇彷彿成卷。求之驪黃牝牡之外可也。宣和殿製。鈐御書之寶。有趙孟淳錢良石題名。

御題行書

開元訓子宣和倣跋語過譽外史哉。設使葩經  
當面展。不知何以解新臺。壬寅新正月中瀚。

御題鈐寶二。古稀天子。猶日孜孜。

寶慶三年九月十三日。臣趙孟頫沐手百拜  
敬觀  
延祐八年三月廿五日。彭城錢良石拜觀。

後幅前人題跋。

宣和帝手摹唐明皇訓子圖。設色不甚深。而  
人物古雅。筆意精巧。圖中隱几而坐者。天顏  
肅穆。目力注視。爽爽有生氣。童子娟好。靜  
展卷畏篤。一武將拱立豐下。而謹若不敢肆。

者然可想見。塞旗殺將之力。餘一侍童。二介士。皆各得其意。風神態度。可與顧陸爭衡。真英筆也。後跋亦出手書。所謂瘦金體。天骨道美。逸趣藹然。細玩之。信不在李重光下。誠足珍矣。句曲外史張雨謹題。鈐印一張。雨私印。

鑒藏寶璽

八璽

樂壽堂鑑賞寶古希天子壽八徵

耄念之寶

收傳印記駙馬都尉吳命節印。半塘士家肯堂奏記。鬱岡齋萬金之玩。宋濂真賞寶藏。率真子孫保之神品。方孝孺印。皮藏寶玩。

謹案趙孟淳字子真子固之弟。自號竹所。錢良右字翼之。平江人。元至大。中署吳縣儒學教諭。吳全節字成季。號閒閒。饒州安仁人。學道。龍虎山總攝。江淮荆襄道教者。看雲集。元史有傳。足蹟見珊瑚網書畫彙考。

李成寒林圖

一軸

〔本幅〕絹本。縱五尺五寸五分。橫三尺二寸三分。水墨畫寒林雲沍。下作澗流三疊。無名款。御題行書。

樹為經霜淡。泉因漱石寒。望而饒冷意。足以契澄觀。那藉丹青絢。猶看柯幹攢。大家真別調。秋氣滿林端。戊子仲秋月。御題。鈐寶二。乾隆。

上方標綾王鐸識。



李成寒林圖。瑤華館藏。乙酉識。孟津王鐸家珍。

古雅天成。繩式後代。己丑二月廿八日無咎觀識。王鐸鈐印一。王鐸之印。

鑒藏寶璽

八璽

樂壽堂鑒藏寶

謹案宣和畫譜有李成寒林圖八。王詵曾摹其二。劉瑗亦摹成小寒林圖一。知成寫寒林在當時已烜赫著名也。紹興內府亦有成寒林六幅。

范寬秋山蕭寺圖 一卷

本幅絹本。縱一尺三寸。橫一丈三尺九寸。水墨畫山水。凡寺觀五。村落七。皆隱見巖瀑樹石間。間以棧騎舟梁景。無名款。

御題行書。

禪有南宗及北宗。畫家筆法與之同。限於地氣。因殊風。北之巨擘華原翁。秋山叢樾凡幾重。林凹蕭寺隱其中。流泉淅瀝如飛虹。是何結撰傑。

且雄。故應心醉米南宮。約畧境界記所逢。文殊  
五臺叶斗峯。已丑春日御題鈴寶二乾隆

後隔水前人題跋

華原范中立善作重山複嶺。領古木瀑泉近世  
歟。及皆若真山。不以雕鏤細巧為美。無名歟。

後幅高士奇題跋

秋山蒼蒼秋葉赤。秋澗瀟瀟秋雲白。約畧  
通樵子行。巘岿幾隱幽人宅。林崖直寫終南  
秀。峯巒雄割太華脉。太華原隰龍之岡。遠見當  
前螺黛浮。疑聞到處激湍瀉。梵剎飛甍歸樓  
奇。野店臨流。境僻。蓋漾輕舟。綴遠浦。虛懸  
澗瀑。入叢碧。誰畫山容。有真意。華原范老傳

名對  
住太  
恩隔

佳蹟曾聞此老性迂緩嗜酒疎野甘落  
呼曰寬寬著名茲國豈肯受促迫中艱  
味野為酒流功助雨晴嵐煙山言師物與  
不藉時流功助雨晴嵐煙山言師物與  
心樹色溪光認雨晴嵐煙山言師物與  
院落古慈仁百貨揮鋪盛交易記從松  
得之駿馬朝遊禁陌一會金鑒  
其下集又手有海松院古以少  
塵寰廿載承不藏弄頻經歲月多北索南  
液自甘直賦歸奉母賦開居簡淡無營適  
轉倍護惜項歸奉母賦開居簡淡無營適  
適雪中不倬于歡船山延慵澗謝公後曲檻  
疎蘆研墨清玉軸細函定品格況有裏陽字  
數行早謂宜同煢與璧琰春方去夏始來長  
養風和雨霖霖衰衰舊薇香味幽長盡老舒  
破索莫偶題紙尾示來茲少壯復成時昔

留待炎烝更披覽清涼定可屏締綰而得范  
華原秋山蕭寺圖于京師己巳携北塹辛未  
重裝藏信天巢又七八年去秋請泰南遷仁  
門寡交今歲立夏後旬日陰雨朝來晴霽新  
綠搖窓落紅點逕觀此卷屈指相隨三十餘  
年余亦少而壯壯而老矣因作長歌書之于  
後康熙戊寅夏四月六日藏用老人高士奇  
鈴印七江村士奇開裏工夫蘆中滋味簡靜  
齊高詹事竹窓藏用老人

題籤

御筆

范寬秋山蕭寺圖

石渠  
珍玩

鈐寶一乾隆宸

翰

鑒藏寶璽

全八璽

樂壽堂鑑藏寶古希天子壽八徵

孝念之寶

收傳印記忠孝之家東湖野人竹窓高詹事  
高士奇圖書記百尺樓簡靜齋靜寄軒圖書  
印。

范寬臨流獨坐圖

一軸

本幅絹本縱四尺九寸三分橫三尺二寸九分。淺設色畫雲峰樓觀溪村畧約一叟臨流倚琴無名款。

御題行書。

秋山真骨露得骨范寬稱大壑自為愛崇峰不計層溪崖觀水客雲寺習禪僧遠望弗離坐誠看縮地能。癸巳初夏御題鈐寶二乾隆附前。

人題詠

節堂結構背江干。日日愛看江上山。箕踞盤  
陀吟未穩。不知身在畫圖間。何堪  
亦有名賢遠市朝。蕭然環堵住山椒。虛亭木  
足容清氣。綠石臨流興自饒。昇陽曠  
歲石林今熹微。望佳人兮不歸。日耿耿兮愁  
絕。張青山兮夕霏。王閑  
年來深窺竊時名。爭似無官去就輕。李勣自  
甘居少室。謝安應不念蒼生。小橋曲徑孤村  
遠。茂樹清泉一雨晴。何日風流成二老。青鞋  
布襪遂幽情。時洪武丙辰五月既望。太木徐  
克諧題於邑庫之論堂。鈴印二口口之後。徐  
懋和  
大山合齒橫陣雲。小山窈窕宛瓜文。分大小山  
誰鑿斷。迴溪中有波。法法扁舟長繫太古



石畧杓遙通何處村。數間茅屋少人住。萬壑  
松風多畫間。臨流獨坐者誰子。嗒然已似忘  
昏昕。逍遙時詠池上作。酩酊自倒林下尊。時  
來好作東山起。康鹿焉可同其羣。眉山蘇伯  
衡。鈴印一蘇平仲。峯壑兮嶄岩。溪谷兮潺湲。樂哉幽居兮愛陽  
乎塵寰。吾將抱琴兮相從乎泉石之間。伯善  
鈴印三。金華安期里生。劉氏伯善  
畫工能畫山。不識山之真。泉石阿誰曾看身。  
天機精到若有神。高低遠近隨所置。心與造  
化功無二。點布衆翻墨浪勻。迅掃尖排筆鋒  
利。翠嵐紅樹滿秋山。斷崖水落當松關。松下  
丈人坐不去。似訴此境非人間。君不見李將  
軍。王摩詰。一幅千尋妙難述。崩石驚濤聳觀  
目。瀟灑充君眼中物。廬山五老鴈蕩峯。芒屨  
杖藜何日同。佳境滿堂秋色動。山要隱隱來

清風池。相鈴印。一。中口後人。  
輕綃水墨橫。秋色。一曲溪山似朝川。柳浪軟。  
湖俱在眼。何時。花落醉猶眠。呂夢鈴印。一。呂  
葵慎明之印。

自西南兮遐觀江漫漫兮峯嶺嶺雲冥冥兮  
上覆溪紆迴兮中盤吾不知其為何所兮抑  
沱陽之葦山九華萃嶺以前列兮浮圖依約  
乎崇巒望謫仙兮不見覺天宇之空閒青松  
白日以晦昧兮碧嶽倒浸乎蒼灣石慘慘兮  
玉潤楓蕭蕭兮霜殷路崎嶇兮直上欲南接  
乎荆蠻渺夫人兮獨處超邁兮盤桓人間  
豈不有異境兮嗟身紆兮青綸安得羽翼極  
八表之外兮駕黃鵠兮徠還張與鈴印一張

曹君手持山水圖。墨色點淡雲。模糊請我試作山水歌。對之神思馳八區。憶昔薄遊齊楚

間不見好畫常見山。廷虛巫峽手萬仞。江水  
下注聲潺潺。泰山三峯倚天碧。徂徠龜蒙皆  
辟易。上登絕頂俯日月。元氣鴻蒙閭且闢。此  
國恍忽欲相似。更有高閣清江裏。何人窮得  
隱者趣。行到水窮望雲起。千林高樹動寒風。  
半崖飛瀑走玉虹。輕舟長向古渡泊。小逕自  
與仙源通。曹君愛畫意無極。此畫千金未可  
得。明朝肯作鹿門期。布襪青鞋踏秋色。系以  
時鈴印。一系以時印。

鑒藏寶璽

八璽

樂壽堂鑒藏寶古希天子五福五

代堂古稀天子寶壽八徵耄念之寶

收傳印記

天目吳元讓圖書前坵吳氏家藏

王獻臣印。希代之珍。王氏圖書子孫永寶之。  
卞令之鑒定。式古堂書畫印式古堂。

謹按蘇伯衡明金華人字平仲。洪武初仕國  
史院編修。張與海鹽人官晉州州判。

董源龍宿郊民圖

一軸

本幅絹本縱四尺九寸。橫五尺四分。設色畫。崇山迴溪。村落遊人。岸側連舟。驚進。百夫牽纜。作力岸旁。奏鼓。舟中亦鳴鼓。應之。無名款。

玉池董其昌題識

董北苑龍宿郊民圖。真跡。董其昌鑒定。龍宿郊民圖。不知所取何義。大都簞壺迎師之意。蓋藝祖下江南時。所進御者。名雖謫而畫甚奇古。

余以丁丑年三月晦日之夕。燃燭試作山水。畫自此日復好之時。往顧中舍仲芳家觀古

人畫若元季四大家多所賞心。顧獨師黃子  
久。凡數年而成。既解褐於長安。好事家借畫  
臨。做惟宋人真跡。馬夏李唐最多。元畫寥寥  
也。辛卯。請告還里。乃大搜吾鄉四家潑墨之  
作。久之。謂當溯其源委。一以北苑為師。而北  
苑畫益不可多得。溪山行旅。是沈啓南平  
生所藏。且曾臨一再。流傳江南者。而考之畫  
史。北源設色青綠。山水絕類李師訓。以所學  
行旅圖。未盡北苑法。丁酉。典試江右。歸復得  
龍秀郊民圖。於上海潘光祿。自此稍稱滿志。  
己山居二十許年。北宋之蹟。漸收一二十種。  
惟少李成燕文貴。今入長安。又見一卷一幅。  
而篋中先有沈司馬家黃子久貳十幅。自此  
觀止矣。如君平之卜肆。下蘆之後止。勿復卜  
矣。天啓甲子九月晦日。思翁識。

御題行書

龍宿郊民語甚奇。董源嘉蹟世所知。香光鑒定  
幀首題求說不得。強為詞謂或簞壺迎王師。爾  
時藝祖駕未移。曹彬命往三軍司。龍宿民迎語  
何來。細觀畫如首夏期。頗有黃葉標樹枝。郊原  
未見出耕犁。正民望雨龍見時。兩船列泊川之  
涯。諸童擲揄揚彩旗。又如拔河競水嬉。其事亦  
近請雨為畫名。命義似合宜。誠合否乎。吾猶疑

鄭俠繪圖此法貽此非謫也寔箴規為君者宜  
敬念茲壯苑妙筆神淋漓吾又何能贊一辭

董源此圖元以前無辨及者明董其昌題幀端  
謂是藝祖下江南時所進御考宋史開寶七年  
九月命曹彬潘美將兵伐江南九年正月御明  
德門見李煜於樓下則是宋祖並未親征江南  
安得有郊迎事若以為指彬美又不得擬之為  
龍況曹彬傳叙潯江後連破江南軍亦無迎師



語益其昌於圖名不得其解從而為之辭耳。而張  
丑清河書畫舫則以為寫太祖登極事。時董源  
正仕南唐。何由畫宋汴京即位儀節。且所圖亦  
與受禪不類。其舛更不待辨。按傳稱龍見而雩。  
注之者曰。建巳之月。蒼龍宿昏。見東方。萬物始  
盛。待雨而大。今閱圖中景。頗似初夏。而兩舟銜  
貫。戢水次。衆皆聯臂舞躍。彷彿古者拔河之戲。  
疑郊民見龍宿禱雨所陳。源當日命名。意或取

諸此夫準經作繪。既勝於傳史失誣。而圖列民  
事。不忘執藝以諫。不猶愈於進諂之不經乎。既  
題長歌以辨之。並附識如右。己丑新正御筆。  
鈴寶二。幾暇怡情。得佳趣。附王鴻緒題識。

董文敏畫禪筆記。載北苑龍宿郊民圖。蜀江  
圖。瀟湘圖。皆在吾家筆法。如出二手。又所藏  
北苑畫數幀。無復同者。可稱畫中龍。夫書法  
以右軍為龍。而畫推北苑為龍。其稱許者至  
矣。此畫入本朝。歸前輩。莊淡菴宮庶後歸  
余。座主崑山大司寇徐公。今為余有子孫。其  
世寶之。康熙丙戌八月望日。王鴻緒識。鈴印  
二。鴻緒。佩齋。秘玩。

題簽

御筆。董源龍宿郊民圖。石渠珍玩鈐寶二。研露樂意。

寓靜觀。

鑒藏寶璽

八璽全

樂壽堂鑒藏寶。古希天子。五福五

代堂古稀天子寶。壽八徵耄念之寶。

收傳印記。雲間王儼齋收藏記。敬慎堂。雲間

王鴻緒收藏記。王鴻緒印。華亭王氏珍賞。又

二印不可辨。

謹按是圖始見明唐景鳳東園元覽載董源  
龍繡交鳴圖無款識亦無前代名賢題字相  
傳為董源龍繡交鳴圖國名亦不知所謂云  
清河書畫船書畫彙考皆著錄俱作龍繡交  
鳴不詳其義元人習用龍袖嬌民語見歐陽  
元圭齋集既非典雅至董其昌始定為龍宿  
郊民云宋藝祖下江南所進而張丑又謂寫  
宋太宗登極事大奇大奇字鑒影響均未足

為定論

御製詩識兩闕之據左傳龍見而雩以合圖中初  
夏景色祈雨拔河郊民聚集源能列民事以  
執藝諫準經

命名既極正大勅農省歲之知不僅在圖畫間也  
淵衷隨事而寓所謂見仁見知不惟在圖畫間也

董識中訛北苑為北源思訓為師訓龍宿為  
龍秀二十為歲十時筆誤不檢其昌他書多

類此併附識之

僧巨然溪山林數圖 一軸

**本幅** 絹本。縱六尺八寸四分。橫三尺六寸。水墨畫山水大景。無名款。

御題行書。

山自堂堂水自瀾。邨墟綴景不須為。譬如文到  
昌黎筆。那藉纖奇藻續施。 辛巳夏孟御題鈴  
寶二。得象外意。乾隆宸翰。

**玉池** 朱彞尊題識。

世祖章

皇帝以賜商邱相國宋文康公後失而復得

公于漫堂中丞寶之不啻魯牧周彝與董北苑萬木奇峯圖同貯一匣偶一展閱如岱華

鑒藏寶璽

全八璽

樂壽堂鑑藏寶

收傳印記

緝熙殿寶宣文閣寶司印

半子子

孫孫其永寶用宋權之印

欽賜臣權臣聲

巨然溪山林數圖書八分此圖為宣和收藏上品見畫譜高宗識以緝熙殿寶元順帝識

以宣文閣寶明代藏寶慎庫

萬木奇峯圖同貯一匣偶一展閱如岱華

題鈴印二朱彝尊印竹垞

謹按武林舊事緝熙殿理宗建南宋行宮考  
亦謂緝熙殿理宗開以為講殿非高宗也  
耕錄元文宗開奎章閣元史周伯琦傳至正  
元年改奎章閣為宣文閣宣和畫譜有巨然  
溪山林數圖二



僧巨然雪圖真蹟 一軸

〔本幅〕絹本。縱三尺二寸七分。橫一尺六寸七分。水墨畫崇山喬林。深雪浩委。無名款。

御題行書。

畫雪難畫寒。留白誰不曉。高張三伏間。肌粟生多少。纈枝饒冷英。繞樹斷歸鳥。迷目尚皚皚。澄懷自了了。朔景故淒其。而胡灞陵道。戊辰新秋月。御題。鈐寶二。惟精惟一。乾隆宸翰。

玉池

御題

玩其林巒皴法與王維雪溪同一神妙。鈐

寶二。乾隆宸翰。知仁山水德附董其昌題。

巨然雪圖董其昌鑒定。鈐印二。宗伯學士董元宰氏。

題籤

御筆。僧巨然雪圖真蹟。

神品

鈐寶二。內府珍藏。

乾隆宸翰

鑒藏寶璽

八璽

樂壽堂鑒藏寶。古希天子。壽。八徵。

耄念之寶

收傳印記  
緝熙殿寶司印  
印又二印不可辨

黃居寀蛤子蝴蝶圖 一軸

〔本幅〕素牋本。縱一尺八寸一分，橫九寸三分。  
沒骨設色畫。一蛤踞荷葉上，水面荇藻參差。  
岸有紅蓼雜草，翻飛花蝶三。款黃居寀。鈐印  
一。居寀。

御題行書。

荷葉枯擎金線蛙。相然蝶可是南華。漫言飛躍  
非同族。海眼由來本一家。甲申秋月。御題。鈐

寶二得佳趣乾隆宸翰

題簽

御筆黃居寀蛤子蝴蝶圖

品能鈴寶一乾隆宸翰

鑒藏寶璽

八璽

樂壽堂鑑藏寶

王著書千文真蹟 一卷

〔本幅〕粉牋本。縱七寸八分。橫一丈三寸七分。

草書周興嗣千字文。

見陳淳書千文字卷所藏缺杜

字款王著書

〔引首〕

御筆 妙追裴鐵

鈐寶一。乾隆御筆。

〔前隔水〕

御題行書

考古雖然多有舛。臨池何礙是其長。一千文  
撫精神蘊八百年。騰紙墨光初仕成都遇淳化。  
疑摹智永識歐陽。侍書際會傳佳話。訾議寧須  
論米黃。甲午新正上澣。御題鈴寶二。會心不  
遠德充符。

後幅前人並于敏中題跋。

王著初為隆平主簿。太宗皇帝時著因進書  
召轉光祿寺丞侍書。錫以章綬。仍供職館殿。  
太宗工書草行飛白神蹤冠世。天格自高。非  
臣下所可倫擬。而著書雖豐切熟。終慙疎慢。

及是御前莫違下筆著本臨學右軍行法而  
侯浸成院體今之書詔益著之源流臣越題  
趙宣祖從周世宗征南唐得法書必以遺其  
次子是為宋太宗即位後為意翰墨遂為一  
代詞文之感淳化閣貼即其所作然多命王  
著臨之他日米南宮自以為高於著然太清  
樓帖不及秘閣本益以米體謀置魏晉乃不  
如著之辭也今世間所收內府舊藏義獻及  
六朝人真蹟大概多唐人雙鈎及淳化搨本  
有偏真者宣和皆以七印識之與真領埒不  
可後辨此帖疑著臨智永本也然見宋思陵  
臨智永千文與此絕相類云盧陵歐陽元跋  
表侍御身伯家所見至正丁酉七月初吉鈐  
印一歐陽元印  
宋王著字知微自言唐相石泉公方慶之後  
世家京兆渭南祖貲入蜀遂為成都人仕蜀



為主簿入朝累遷翰林侍書加殿中侍御史  
善書筆意媚婉頗多家法太宗嘗從學書黃  
庭經以謂者用筆圓熟不易得也今是乃  
其行草書千字文如宮女揮花嬌媚對鑑惟  
有一般態度亦其所漸者然耶子既藏之又  
重寶之傳者無忽焉古稱李墨林山人項元  
休敬述鈴印四退客子京所藏項元沐印墨  
林山人

王著以善書事宋太宗為侍書掌命書  
化蘭帖而著昧於考古拙中世次爵里  
皆行偽外米芾黃伯思輩每營議之然摹勒  
工古今刻本無出其右則亦未可盡非也  
宋史本傳詳著筆蹟甚媚頗有家法而未  
長又續書斷列於龍品褒貶評畫謂其追蹤  
水印遠迹二王推許特甚蓋若在宋時雖不  
若蔡京真米之名成一家而結構在勻整功缺

題籤

純密亦不可及今此千文卷格度和婉當是  
 著得意之作而字體筆致亦與閣帖保題相  
 仿其為真蹟無疑且北宋至今幾八百年而  
 紙墨完好若此尤為難得卷後周起跋用筆  
 端謹有法而歐陽元跋疑者臨智永本以  
 思陵臨本相類不為無據項元汴跋既賞其  
 圓熟不易得又云雅有態度所漸者然亦竟  
 視為重寶故前後印記尤多其後曾經梁清  
 標鑒藏蕉林觀其大畧諸印識可考也乾隆  
 甲午孟春月上澣臣于敏中敬識鈐印二臣  
 于敏中依光日月書千字文帖宋元名賢題識  
 宋王知微行草書千字文帖宋元名賢題識  
 項元汴真賞其值陸洽金

御筆

王著書千文真蹟

石渠珍藏

鈐寶一乾隆宸

翰

鑒藏寶璽

八里金

樂壽堂鑒藏寶古希天子壽八徵

孝念之寶見天心垂露

收傳印記中書省印上閣圖書忠孝之家秋

鑒圖書袁洪亨伯張氏珍玩仙史

印半印半印半神

品項元汴印子京子京父印叔子

印半寄放墨

林項季子童項元汴氏審定真蹟項墨林鑑

賞章校嚴精舍墨林山人惠泉山想子孫永  
保墨林硯癖平生真賞會心處煮茶亭長墨  
林堂世外法寶項子京氏西疇耕耦遠廬項  
墨林鑒賞法書名畫墨林秘玩子京珍秘項  
墨林父秘笈之印子孫世昌子京所藏項子  
京家珍藏墨林子樵李項氏士家寶玩田疇  
耕耨神游心賞項叔子退密樵李墨林外史  
桃花源裏人家隱居放言駕鵞湖長困知勉

行若水軒東華山房虛舟梁清標印蕉林蕉  
林書屋棠村審定蒼巖子觀其大畧

謹按黃庭堅集題跋云翰林侍書王著筆法  
固勁今所藏樂毅論周興嗣十字文皆著書  
墨蹟此其長處不減李海則此蹟在宋時已  
入鑒賞矣忠孝之家印亦宋錢勰物蘇黃之  
友集中所稱錢穆父者也又按文內於宋時  
組諱敬字宣但辟敬字太祖諱匡字俱不違  
考著孟蜀明經閣三縣尉蜀成始歸刻此蹟  
蓋其未入宋時所書也

林逋手札二帖 一冊

本幅素羅文箋本二幅縱俱一尺行書 第一橫一尺一寸 逋奉白秋涼體履清適大師去後曾得信未院中諸事如常否今送到少許菱角容易容易謹此馳致不宣逋小簡上瑤兄座主廿二日暫請一人引此僕去章八郎家 第二橫一尺二寸 逋奉簡三君數日前曾勞下訪屬以多故未果致謝感愧

感愧榜名必已見了彼珍重者果為兩手所  
指矣呵呵如因暇時許相遇否馳此不宣從  
表林逋頓首四月十七日所託買物錢二索  
省是前人留下尚恐未足餘俟面致多感多  
感左右標紙裘曰修恭錄

御製詩并恭跋

好春重至西湖曲不壞山青與水綠所愛別館  
近林家步步遠塵樹樹玉設云處士今在否我

知斯人未免俗。新得先生遺墨妙。日觀不厭繼  
以燭。五詩神合暗香句。清峭雄渾無不足。宜令  
東坡拜下風。健筆藏筋詎豐肉。馬遷死後良史  
無。峯色湖光皆寶錄。即景合璧詠雙絕。和吟豈  
謝巴人曲。兩賢同得社而祭。往往藪祠倚松竹。  
所惜潛亦箇中人。遙遙祇享柴桑菊。乾隆丁  
丑二月望日題。即用卷中蘇軾書後原韻。

先生昔隱孤山曲。結廬愛就深林綠。廿年足不



及城市。歎唾皆成珠與玉。晦跡不欲名一時。況  
後世乎。識超俗。幸哉五首留世間。片羽吉光霄  
漢燭。東坡見詩如見翁。五字長言吟不足。三百  
餘篇雖在世。知音誰辨絲與肉。今去坡又七百  
載。兩賢高躅誠宜錄。西湖上讀西湖詩。橫琴似  
奏水仙曲。漫說吳人不好事。祠堂有梅復有竹。  
和詩還擬問髯仙。誰競春蘭笑秋菊。壬午暮  
春月。御題再用蘇軾韻。

金錯刀書狀樛曲瑤蹊錦暉古色綠是誰遺跡  
乃驚人林句蘇和兩珠玉世間書卷豈不夥平  
屬偽為半在俗逋清坡健此聯珍煥覺虹光屋  
梁燭携來即境證精神三度磨吟意未足論帖  
早匹乞鹿脯說偈不礙燒猪肉兩翁出處縱殊  
致一例高風有史錄佳湖山處緬芳踪異代同  
時通款曲誰謂兩翁真往哉後人常撫祠前竹  
祠中古貌粹如生鄙矣長生學服菊 乙酉暮

春月御題三用韻賦韻

皇上用原韻題其端嗣是凡再疊韻皆

翠華南幸時作也詩之覺風雲壯色山水增輝玉

局翁當為却步咸次戊子臣修購得此冊於

金臺王氏為和靖二札蓋正定梁清標家舊

物也冊尾有石田諸人詩題和坡韻因敬錄

御題於左右幅止以見人苟自立雖遊跡於化楊

我笑中猶能選

聖天子異代之知撫其遺墨往復歌詠如是使當

斯世而尚有隱君子如林隨其人者其亦可

以開風興起已哉臣竊口修辭跋鈴印二臣

來曰修辭跋鈴

前副葉

御題行書

五詩早入石渠藏。二札人間如抱曲。一時無意  
得聯珍。字精神照千秋綠。我愛蘇詩廢以三。那  
論琬珪及真玉。誰知石田先著鞭。此事誠堪驚  
世俗。蘇則題詩沈題札。恰似一燈然百燭。翰臣  
金臺獲佳蹟。意在豐城雙補足。書我三作當題  
識。瘦勁誰當啗少肉。陳張吳李和者四。各具清  
新率可錄。東陽識見洵獨高。二義不碍重押曲。

春巡至今凡幾年。令我遐憶西湖竹。竹之傳也  
固多人。不若林梅匹陶菊。己丑新正。四用蘇  
軾書林逋詩後韻御題鈐寶二。乾隆

不到西湖十五載。物景民情在心曲。重來情景  
未殊前。祇覺鬢霜異前綠。乘閒試步孤山陰。一  
泓碧水浸羣玉。其間知有處士墳。無神道碑已  
絕俗。依然梅樹護墓門。千秋地下安漆燭。樂饑  
樂道趣有餘。廿年城市不及足。向題三詩和蘇

韻真蹟不厭韓畫肉。繼得二札仍疊吟。更識沈  
作先我錄。携來卷冊相印證。朗誦那藉招隱曲。  
徘徊半晌命歸輿。掃塵跡動清風竹。竹風拂徑  
菜花黃。雖弗柴桑亦疑菊。向曾三用東坡韻  
題和靖詩。卷後表曰修得茲冊。並錄三詩於上  
以進。仍疊韻題之。庚子春。南巡至浙。湖光山色  
風景依然。復成是什書冊中。御識鈐寶二。古希  
天子之寶。猶日孜孜。

五詩二札逋翁蹟。札作冊方詩卷曲同。奔石渠  
最上乘。璧合珠聯兩結緣。即今携以隨南巡。對  
景坡詩六賡玉。卷三王跋冊七家。要皆法眼非  
流俗。我詩卷冊乃並書。如火傳薪燈引燭。其分  
其合總聽之。所詠胥隨無不足。便使分為各一  
齋。享照千秋同鼎肉。縷陳顛末識珍重。七言當  
記仍親錄。林為夷清蘓尹任。宮商雖別原同曲。  
幸哉孤山山之陰。又得重來撫松竹。却惜柴桑

未經到。采明孤醉東籬菊。甲辰春南巡至浙。  
五疊前韻題和靖詩帖卷。並書於此御筆。鈐寶。  
二古稀天子之寶。猶日孜孜。附前人題。

和靖處士真蹟。吳郡李應楨題。鈐印一李  
姓印。

後副葉

御識。

宋和靖處士林逋高節邁俗詩文筆札。當時即  
鄒之蘇軾題其五詩卷。又有二札冊。明吳寬諸



人皆疊軾韻題末二種先後入內府珍藏予自丁丑至甲辰五次南巡携卷就題已丑得二札復題之六疊韻互書卷冊聯匣彙弄誌延津之合

乾隆辛亥御識臣董誥奉

勅敬書鈐印二臣誥敬書附前人題跋并臣工兩

次和章

此和靖真蹟。鼎衛公帥蜀時所得也。觀其筆勢。通勁無一點塵俗氣。與暗香疎影之句。標致不殊。此老胸中深有得於梅之清。故其發之文墨者。類如此。當襲藏之以為珍玩。元統

甲戌夏五。謝升宗書於南窗。鈴印一。謝子順

成化己未三月望日。顧過沈君。啓面有竹之  
居。其子鴻出示。和靖先生手書二簡。拭目拜  
觀。儀如緩步六橋。麝寒香於冰雪之中。而塵  
俗俱遣矣。遂不揣庸陋。援筆綴此。於後。鴻於  
辰玩之際。尚求先生之高風。於翰墨之外。可  
也。長洲陳顧識。鈴印一。永之。  
去林處士殆五百年。區區遺墨數行。使人保  
護完然如新。彼人品庸下者。雖伐山石。大書  
而深刻之。人固有踏之者矣。咸化戊戌歲二  
月十六日。因觀沈啓南所藏二小簡。適吳寬  
鈴印二。吳寬原傳。  
我愛翁書。得瘦硬雲腴。濯盡西湖沫。西臺少  
肉。是真評。跋云。靖卿數行清瑩。含冰玉宛  
然。風節溢其間。此字此翁俱絕俗。開紙見字

即見翁。五百年來如轉燭。可憐人物兩相求。  
落我掌中珠。有足水邊孤墳。我曾拜土冷烟。  
荒骨難肉。當時州吏歲勞問。於今祀典誰登。  
錄翁固不能知我悲耶。對湖山歌楚曲。我歌  
湖山亦不知。惟有春鳩叫深竹。歸來把酒弔  
雙蛾。猶勝無錢對黃鸝。數年前。予與劉完  
菴史明古遊杭。首謁林和靖處士墓。弔之至  
今。高風清節。猶想見於湖山間。而不能忘也。  
近讀東坡先生題處士詩。高妙絕塵。誠寡和  
之曲。特借其韻。為作一首。書於所藏處士二  
手帖後。以識仰止之意。成化丙申中秋日。長  
州沈周鈴印。三啟。南沈周石田。  
西湖處士林君復結廬倒卧湖波。漲百年何  
物傷汝。廬山下梅花總寒玉。滿城屋瓦鱗鱗  
然。未信誰人能脫俗。壺酒嬉春拾翠細。歌鐘  
入夜燒紅燭。獨教老鶴閒應門。走傍湖陰龍

雙足高平范公遣使來寄以新詩勝饒肉且  
節又章厚且得兩句平生成實錄才多里妙  
更入神惟許唐翁和島曲果然遺墨似其人  
如倚清風捫瘦竹惜哉甫里陸天隨不施斯  
人書杞菊予既過林處士道墨見啓南高  
作在卷中軌復次韻寬鈴印一吳寬  
湖亭路繞梅花曲石硯年年洗芳渌湖光  
眼花絕塵此老當時面如玉詩應獨步難同  
調字豈必工終不俗城東倉頭持卷來一夜  
起看三秉燭我從書法得相法骨秀神清羅  
亦足有如辛苦學仙人火冷空山斷葷肉通  
編舊事已陳迹五百年來登鬼錄水流花落  
兩無情誰能更和西湖曲石田詩人亦清士  
居不種梅翻種竹欄竹石田詩併作隱君  
論何似周蓮與陶菊追觀沈石田所作敬賦  
先生真蹟及與吳匏菴追和坡韻之作敬賦

此篇首曲字乃坡本韻所謂二義重押者也  
成化庚子五月乙巳長沙李東陽書於懷麓  
堂鈴印三太史氏李東陽印懷麓堂  
我昔孤山訪遺蹟春暖西湖泛晴綠山頭草  
樹不茂涼知是先生此埋玉念初筵廬結搆  
完長史頓顙驚流俗就中薛李寔忘形湖上  
夜歸曾秉燭<sub>此</sub>何嘗憂不足<sub>惟耽吟咏苦憂</sub>  
味通<sub>此</sub>外何嘗憂不足<sub>惟耽吟咏苦憂</sub>  
後援心兵削肌肉詩成又復恐驚世軌毀不  
使相勝<sub>誰知造物難盡藏千古騷壇傳妙</sub>  
曲亦有遺墨落人間留在刻藤并楚竹見其  
瘦硬想其人似對靈均祭落菊<sub>葉過落南</sub>  
見此卷謬題其上今復見之則落南次蘇長  
公詩韻而吳李二內翰繼之不能不使人披  
香珠影之下<sub>次第而歌之先生有靈寧不吟</sub>

然御風而來。屹耶顧志。鈴印一。陳願同書。  
乾坤悠悠。書兩幅。墨光深。照西湖。染人開。香  
霞等浮雲。此紙完全。如璧玉。少陵瘦。破真入  
許。石軍姿。媚宜云俗。想當援筆對梅花。誰用  
官奴。寒把燭。白然心畫。得天愁。一字百金。酬  
不足。乃知形貌列仙。雕石帶烟霞。山以肉。巖  
巖氣。節高百世。奚假文車。身後錄東坡。去後  
古詞荒。月下不聞迎送曲。遺蹟君家。豈偶然。  
天遣清風激脩竹。憑君開卷望孤山。三淮舊  
歲。吐秋菊。吳興張翥。鈴印一。白屋青衫。  
咸平處士。骨已槁。尺素誰傳。雙鯉魚。寶藏尚  
有安撫印。遺葉元無封禪書。人清併遣烏亦  
好。字勁宛得梅之餘。東風古寺。指倦目。想像  
西湖雲水居。石田沈君。請飯賓幢。教院出  
和靖帖。見涼因賦此詩。時手瘡未愈。寫作皆  
不工。真疥此卷矣。宏治癸丑二月廿六日。程

敏政識  
通也作詩賦題句秀比明湖清一曲

天章

疊煥賁以三靈山海湧洪波綠當年處士富  
文藻札翰人間收片玉雖非廊廟麗而莊却

異市闌俳以俗石田問世一輩人筆墨幽光  
淡相燭偶然相值兩吳儂淨几明窗看不足

拈來

一朝玉案獲同登山谷難嘲曾換向  
舊韻發新詠卷裏篇章均被錄譬如咸韶闕

天步

復奏元氣彌綸到壤曲況經  
幽栖吳較寒泉更修竹周也欣幸亦可知

懷賢

如憶花中菊目劉統勳恭和鈴印二臣勳  
通仙仙去七百年空說遺簪傳里曲聯翩詩

札珍

尚方

後者懸黎前結綠蠆尾斜行瘦篆針兩絲

正幅勻鋪玉寒暄遠問及童奴自古通懷非

矯俗知人論世荷

天題萬丈紅光成刻燭  
行厨三沐更三重十字一  
繡酬不足重增強韻比

四疊鴻裁叶真宰那款辨香金石錄諸家和蘇逞

元氣淋漓生岬行通仙通仙如可呼底須楚些歌

蘭蘭通翁名與孤山孤詩札曾獨曲江曲吟情想

對梅花清素心亦寄秋水綠東坡見詩未見

札題珍已自矜片玉石田寶此兩尺素頗調

鑒藏異庸俗同時五革用蘇韻學步纔如影

隨燭脩然雙翰具逸致妙不煩言意已足菱  
角少許勝多許買物寧因食無肉卷先冊後  
歸石渠

真賞千秋美必錄  
三春早壓玉局倒何況紛紛下里曲



化工

四氣茲全施。授簡惟慚。濫吹竹書。牋紙。臣于敏中。恭和鈴

印。二臣敏中敬書。

通仙。高躅凌青霄。冰雪清寒。寫心曲。遺墨傳

為希世珍。千秋壽並孤山綠。

石渠新得。聯舊藏。合璧直抵連城玉。行間秋爽

撲鬢。若不用湖波洗凡俗。

天題。賡疊發幽光。異代還放朗如燭。遐想東坡與

石田。繚繚業得一。心已足。閒窗展玩。絕塵想。似

吸瓊漿。厭梁肉。焚香試几。題新詩。詩成再拜

濡毫。錄石流。見者輒傾倒。拂牋競和。陽春曲。

石田愛此。仲圭梅坡。老珍逾與。可竹何如。兩

美相合。併恍開三徑。對松菊。臣董邦達。恭

和鈴印。二臣達

高八。避世不避人。知音遠結。澄湖曲。溪山香

霽尺素。通心期共證。湖光綠。水融合。壁映千

勅詞  
天藻  
聖所

久更新西清干  
錄後有二孔前五詩始信同工原異曲  
連章示策美定論煌煌煌照汗竹古米兩逸  
乾孤山之梅三徑菊  
臣觀保

秘

秋因之想見人如玉非閨珍玩博收藏要令  
清風醫鄙俗卷端題識五詞人瞥眼流傳等  
轉燭思賢好古志則同與酣忘筆精神凡若  
災氣格取林翁諸子絲竹不如肉墨妙貼存  
久更新西清干  
錄後有二孔前五詩始信同工原異曲  
連章示策美定論煌煌煌照汗竹古米兩逸  
乾孤山之梅三徑菊  
臣觀保  
筆端天梅寒藤盤紙外瘦透欵收曲此札宛  
得梅之神不與東風競紅綠石田題此紙  
石玉局詩先要寒玉諸家聲韻門清新竟體  
全無一點俗接踵五詩登當年結廬處日日  
府一朝長債過和燭邀憶當年結廬處日日  
湖邊踏雙足詩原寄意學陶酒性不逃禪礙  
何肉尋僧問友似羊求名半得聞人不錄豈

宸蒼知異代紆  
四始成

天上曲名齊未數飛白蕭紀逸直補汗青竹擬為  
里巷傳先賢故鄉曾記尋秋菊臣王際華

恭和鈴印二臣華  
高人點墨似點丹寥寥語笑昇仙曲詩篇信

呈  
寶函寶書札今珍綠字綠碧落

天聲奏四巡人間球磬昏凡玉不聞唐階詠箕顓  
得非巢許猶塵俗通曉詩信雙璧還同

朝日射宵燭何況沈吳陳李張窮工只作此畫尺  
何人學杜真換骨解道聞龍欲忘肉梅妻鴈

子近何如金石雲烟空有錄林逋林逋爾何  
幸

南巡幾訪湖山曲丈夫生世重遭逢聲名豈必吊  
與竹與興代誰能結

主知多少荒山澹如菊

臣錢維城恭和鈴印二

臣城

通仙品清字亦清二札流傳吳越曲瘦骨宛  
同鶴羽白寒光似見梅英綠石田得之什襲  
藏寶貴真通徑尺玉題以新詩叶蘇韻亦復  
蕭疎絕塵俗一時騷客集壇坫展玩留吟借  
刻燭石田雖和東坡題未見五詩猶未足中  
青難合兩劍銘當鼎僅止一脔肉詎識奇珍  
終不孤墨香同入

石渠錄煌煌

天藻閣四題元音疊譜虞廷曲自聽宮角洗箏篴  
如對山水成絲竹

秘

蒹蘇書歸去來林家賞並陶家菊  
植恭和鈴印二臣填

臣曹文

孤山處士興不孤憑仗雙魚寄心曲遙識揮  
豪坐攬時千樹暗香寒萼綠妻梅子鶴況友

朋其人像昏如玉。簡中名字半有無。世外  
交遊雜僧俗。送錢二索。菱少許。不競湖邊夜  
是燭。人今往矣。遺蹟在行間。具覺風流足。筆  
瘦如貌仙。肯應格老不入俗。眼肉五詩終見  
神物合兩幀。並荷

天家錄

客題旁及

論詩。評較同工。偏異曲。七百餘載。如風燈。藏自

蕉林。溯有竹。豈知邀

賞。歷成

吟。披拂。青風對黃菊。

臣彭元瑞恭和。鈐印二臣

瑞

東坡昔題詩。後詩

御墨三處。曲院曲外。今兩札並時出。麝煤猶濕松

烟綠。此手不單封。禪書莫問泥金與檢玉。前  
人遺翰類可寶。何況通仙姿絕俗。人間散落

知幾時。光氣還應夜深燭。果然拂拭。離風塵。  
字裏精神尚充足。高人本自鴻愛羽。勁筆寧  
同馬畫肉藏之。  
石渠列上品。恰與五詩俱見錄。

披賞新什。裁如九成奏。韶箏曲。愛其人乃重其蹟。三管

惟當書以竹。從茲雪裏孤山梅。真配霜前彭  
澤菊。  
臣沈初恭和鈴印二臣沈初敬書。

暗香疎影。林君復千秋絕調。邱中曲。匪徒詩  
也。書亦傳尺幅。珍應逾結。綠五詩昔已登秘

笈。古錦重緇軸。裝玉。今來兩札兩美合。神物

鑒吟

四度叶蘇韻。元氣淋漓寶光燭。當年栖隱孤  
山巔。却掃豈求生計足。偶一揮豪見真趣。安

媚寧論會稽肉。就中題識誰更佳。下看餘子  
甘錄錄。仰止

天題

同海岱。俯山一拳水一曲。古來善書善畫。大率胸中有成竹。披摩宛把。滿灑人落花無

言淡如菊。

臣董誥恭和鈴印二。臣誥

千言逸翰傳君復。魚使一雙存。歎曲簡高瘦

勁宛其人。似覩鬚眉照寒綠。

琳瑯

寶筭天上開。卷軸森森紛積玉。五詩二札先

後登。要識貞姿終脫俗。石田諸賢草吟賞。強

韻爭奇工刻燭。我

皇神

契坡翁先。四始全該義完足。水仙祠邊春冰

生。酌薦無煩升鼎肉。發潛聞幽遭遇奇。

睿藻

合應敷史錄。幽蘭空谷會傳芳。下識陽春寡

和曲。

鑒與

幾度孤山來。清風靜挹蕭蕭竹。

天題

歲月請重陳。試看早梅與晚菊。臣陳孝泳

恭和鈴印二。臣泳

高人白愛湖上居。萬樹梅花繞湖曲。孤亭放

鶴春復秋。湖水空餘鴨頭綠。何斗墨妙歸石渠。詩札分明。獲雙玉。清詞逸翰。兩絕倫。

鑒賞

珍儲拔流俗。零鈿碎羽光。陸離宛照隋珠耀。

奎章

五疊疊愈奇。懷賢頻眺孤山足。曜仙詩瘦書轉妍。管城豈必胡食肉也。如名材老巖穴。一

甄錄

旦姓名荷。令有同心。近揖蘇仙無異曲。想見兩湖岸。憤時日。日芒鞋。杖青竹。分題竊誦招隱

篇。若有入兮。淡如菊。臣嵇瑛恭和鈴印二

臣瑛載筆

林逋高致。稱逋仙。遺踪猶寄孤山曲。獨有梅

花結素心。山光長共清波綠。偶存碎墨似琳

琅。賸得清詞抵珠玉。

天鑒

珍教弄石梁。從茲聲價超凡俗。疊韻題輝日

月光。拜廣懸額餘螢燭。憶昔肅微志。烟霞隻



零賞

字單吟興所足巖栖谷隱自天性不數周妻  
與何肉豈知詩札尚流傳冊卷居然金石錄  
寡和真超一行流魏種何處同高曲  
無遺美合收絕勝天幸柯亭竹藝林長此播  
清風陋彼寒泉薦秋菊臣蔡新恭和鈴印

二臣蔡新

和靖高名重孤山寒梅香滿草廬幽芳踪杳

邈不可攀遺蹟猶傳席煤綠五詩二札墨光

流題識皆萃荆山玉壁合珠聯石渠藏展卷

自無谿徑俗鉛紫拈米如椽燭小臣奉

天題五疊詩自題蘇歌鉛紫拈米如椽燭小臣奉

勅獲慶詩自題蘇歌鉛紫拈米如椽燭小臣奉

題句見骨真諸人秋錄高山流水總知音不須三

弄梅花草物因人重自永年墨寶芳名無帛

竹遇興不遇遭際難三徑徒荒陶令菊臣

臣

和坤菴和鈴印二臣和坤  
梅花香影林栖跡寫叫孤山振湖曲五詩便

石渠墨古凝寒綠蘇歌書後和

宸章六度清音聆曼王述也卓然句鮮新品壁卻  
寒與白俗作書寄語山中人那期千載

天光燭有詔願詩謝不能臣知幸矣慙蛇足學詩自付骨非

仙論書難免瘕多肉謝陳吳沈李張程三王  
跋尾都珍錄况復南齊舊翰臣繼聲敢廁已

人曲山色湖光萬古來何必成陳綠與竹靖  
節和靖易地同何必強分梅與菊臣梁國

治恭和鈴印二臣治  
才使劇郡能心開所謂伊人緬水曲道蹤欣

遇託長歌秀映湖光奪山綠出處當年小異  
同詞翰風流並珠玉何來兩札致蕭淡物外

星斗輝人真不俗。卷先冊後品題俱。  
梅花萬樹孤。

山尺落英一吸正相宜。恰似通蒙避果肉春風。

鑒與六橋上五疊。  
篇成重賞錄。何人白日到羲皇。惜不同時共鄰曲。

空聞故里寄柴桑。未向西湖謀水竹。求賢懷古仰。

深衷。獨取春蘭念秋菊。  
臣劉彌恭和。鈐印二。臣

六題林跡韻疊蘇。勺泉鴻作河九曲。西湖行館對披吟。

近北山青映波綠。靜參詩境印霏香。妙證魚戲輝珎玉。七百年來梅鶴風。遺韻猶堪醫士俗。藤結古錦合延津。溫煥。

奎光巖穴燭。憶昔廣繼隨先臣。塵簪俯愧蛇畫足。幸從。

寶笈瞻星華。豁然頓洗凡眼肉。即今兩度危  
春。迴手香重獲。

天章錄。處士坡仙一笑。傳寒泉好。為神絃曲。松濤

謾謾湖冷冷。天籟還諧龍井竹。五詩雙札檀

千秋孰是春蘭孰秋菊。臣童詰恭和鈴印。

二臣詰

兩疏六經

宸翰題通仙有知感心曲

時巡汎屐

之行。星光恰泛西湖綠。春波流潤春藻榮。合比

延津價如玉我

皇重書重其人。匪徒揚清更砥俗。故知高風與亮

節。零落不作燒殘燭。此冊此卷今愈彰。東坡

石田意亦足。從來吾相異。凡眼惟取精神畧

皮肉當時賞者並以傳。一一咸邀姓名

錄。

鈞音望望鎮犀響。凡青快聽軒轅曲。  
古稀天子豫且康。冊卷兼

揮斑管竹孤山梅早獻新香。益壽願效南陽菊。

通也肥。遊孤山麓。一壺專同鑑湖曲。吟懷淡  
逸尺素工。細嚼梅花漱寒綠。真跡流傳七百

石梁年

鑒賞珠聯玉。遺逢

清輝駐湖山

藻潤春骨。因問俗

廣吟六度。維坡仙

天筆淋漓。成刻燭二水同器歸。一滴北冊北卷兩

具足書評未許度勝肥。詩格當參竹遜同收

藏跋尾經幾家歷數品題歸

甄錄洪鐘欣獲聽

龍章等去浙深到邛曲千秋  
論定仰至公華野高風配孤竹  
蘇堤近接處士祠

各秀春秋蘭與菊  
臣士松  
臣金士松恭和鈴印二

孤山山陰企芳躅  
逸韻依希刻溪曲  
卷冊流傳雙吉光  
藻采遙分驚峯綠  
玉局仙人白石

翁七言工琢瑤林玉  
暗香疎影紛前塵  
三竺六橋邀凡俗  
先後賡酬各一時  
無殊共剪三

牕燭古香墨寶重藝林  
緝錦集表極不足詩  
跋三家復七家高下休  
論絲竹肉千年妙品

天題  
殊不慙邀

甄錄  
雲章  
凡五卷  
鈞天疊奏離英曲  
小臣薄技愧

秘  
唯蟲  
拜觀  
擬春蘭  
並秋菊  
臣趙東冲恭

和鈴印二。臣東冲敬書

鑒藏寶璽

八璽金

樂壽堂鑒藏寶信天主人古希天

子。五福五代堂古稀天子寶。八徵耄念之寶。

收傳印記。四州安撫制置使之印。紹興樞密

承旨司印。尚書吏部司選之印。奉使之印。吳


沈氏有竹莊圖書。沈周寶玩。子子孫孫永保

其用。梁清標印。蕉林秘玩。又半印二。不可辨。

謹按是蹟刻入文氏傳雲館法帖何養誠作  
林集附言亦云先生書法深入晉室非尋常

館二小東流傳於世。清度通勁。謔亦澄淺。孤  
峭。并錄二札。原文與此合。其第一札中。瑞兄  
生主。乃武林山室。冊字僧法。瑞宗一。見武林  
見志。又人物志載。鼎子述。字善之。南城人。紹  
興進士。官至吏部侍郎。以制置使出帥西蜀。  
追封衛國公。即跋中得此帖者。謝升御子述。  
司縣人。元統為元順帝年號。建冊自宋迄元。  
皆傳之。其鄉後乃歸沈周也。李應栢。字貞伯。  
長洲人。景泰時舉人。官至南京太僕寺少卿。  
志稱其家信俱有法。陳頤。字永之。亦長洲人。  
景泰時舉人。張翀。字子靜。歸安人。見明詩綜  
小傳。此冊見法書名畫見聞表。





林逋蘇軾詩帖一卷

本幅素綾本縱一尺橫九尺五寸林逋行書

詩五首 編松為簦寄山中兼得紫微詩一

通入手涼生殊自慰可煩長聽隱居風

李制詰

人以松肩二柄並詩為遺亦次來韻

片山兼水遶晴雪復漫漫

一逕何人到中林盡日看遠分樵載

昨蓋切

重

斜壓葦簑乾樓閣嚴城寺疎鐘動晚寒

孤山雪中

望林表秋山白鳥飛此中幽致世還稀誰家

岸口人烟晚。坐見漁舟兩兩歸。

孤山從上人林亭寫景

炎方將命選朝倫。治行何嘗下古人。擁旆肯

辭臨遠郡。登艫還喜奉慈親。水連芳草江南

地。烟隔寒梅嶺上春。若過中途值歸雁。慰懷

能與致音塵。

送史殿省典封川

空階重疊上垣衣。白

晝初長。社燕歸。落盡海棠人卧病。春風時復

動齋扉。

春日齋中偶成

殿直丁君。自沂遼閩。艤舟

惠顧。晤語未幾。且以拙詩為索。病中援筆。勉

書數章。少塞好事之意耳。時皇上登寶位。歲夏五月。孤山北齋手書。林逋記。蘇軾行書詩一首。吳儂生長湖山曲。呼吸湖光飲山綠。不論世外隱君子。傭兒販婦皆冰玉。先生可是絕俗人。神清骨冷無由俗。我不識君曾夢見。眸子瞭然光可燭。遺篇妙字處處有。步繞西湖看不足。詩如東野不言寒。書似留臺差少肉。平生高節已難繼。將死微言猶可錄。

自言不作封禪書。更肯悲吟白頭曲。司馬長卿欲娶

富人女。文君作白頭吟以誚之。先生臨終詩云。茂陵他日求遺草。猶喜曾無封禪書。我

笑吳人不好事。好作祠堂倚修竹。不然配食

水仙王。一盞寒泉荐秋菊。西湖有水仙王廟。書和

靖林處士詩後。蘇軾。

御題甲辰詩見上冊

甲辰暮春月御題五用蘇軾韻。鈴寶二古希天

子猶日孜孜。

御題

丁丑詩見上冊

乾隆丁丑二月望日題即用卷中蘇軾書後原韻御筆鈐寶二乾隆宸翰幾暇臨池

御識

錢塘孤山放鶴亭宋處士林逋舊隱處蘇軾所為賦詩者也西湖行宮在其陽丁丑南巡適得處士詩帖坡詩宛在墨彩猶新頃來湖上重展是卷緬高風于千載抒雅興以重賡並紀卷末

以誌緣起。御筆。鈐寶二。乾隆。

後隔水

御題

壬午詩見上冊

壬午暮春月。御題再用蘇軾韻。鈐寶二。乾隆宸翰。幾暇臨池。

後幅

御題

乙酉詩見上冊

乙酉暮春月。御題三用蘇軾韻。鈐寶二。用筆在

心。乾隆宸翰。

御題。

庚子詩見上冊。

庚子暮春月。御題四用蘇軾韻。鈐寶二。乾隆。

御識。

見上冊。

臣董誥奉

勅敬書。鈐印二。臣誥敬書。

此表與前二冊面銘。

御識同。附

前人題跋。

右和靖林處士君復手書五七言近體五首。其語冲夷可詠。而結體尤峭勁。然有韻態。不作。品品骨立也。蘇長公一歌。其推許此君至矣。然至詩如東野不言寒。書似留臺。差以肉。



二語。使是汝南月旦。何嘗少屈。狐筆也。留臺者。李建中也。嘗分司御史臺。考之集稱。西臺以偶東野。更當耳。長公書法。勻穩妍妙。風神在波拂間。而麗句層出。尤刺人眼。始錢塘人。即孤山。故廬以祀和靖。游者病其湫隘。因長公詩。後有我笑吳人。不好事。好作祠堂。傍修竹。遂徙置白香山祠。與長公配。迨于今。香火不絕。乃其遺跡。與長公同卷。價踊貴十倍。太史公有云。伯夷叔齊。得夫子而名益彰。若君後者。亦何其多幸也。歟。至午嘉平月。吳郡王世貞謹題。鈴印二。王世貞印。志信道人。世言林和靖先生。字不如詩。詩不如人。然觀此卷。亦自瘦勁。有法。杜襄陽詩云。書貴瘦硬。方通神。豈先生謂耶。世人貴耳。若無坡翁詩。此卷當無以重價售者。第蘇長公去先生時代無幾。為長歌題其卷後。推重至此。吾輩固

當以坡翁增重。詎使重末而忘其本耶。若蘇書則又是其生平合作。余兄謂君復多幸。誠然。誠然。丁亥春正月。吳郡王世懋書于奉常齋中。鈴印二。王敬美氏。牆東居士。

史稱林逋力學好古。結廬西湖之孤山。二十年。足不及城市。真宗聞其名。賜粟帛。詔長史歲時勞問。嘗自為墓于其廬側。臨終為詩。有喜無封禪。書之句。既卒。州為上聞。仁宗嗟悼。賜謚和靖先生。史又稱其善行書。喜為詩。今遺墨數篇。為坡公所題。備極稱許。君復詞翰得坡公而增重。數百年來。人奉為至寶。夫以坡公之才學品望。可涵益君復數倍。而長篇秀句。推獎不容于口。可見坡公樂道人之善。而不輕視前哲。如此其至也。君復書亦峭勁。坡公書則出入魯公。李海間。姿媚可愛。而藏鋒欲錐。運方圓于規矩之外。真得折釵股屋

漏痕之妙。駸駸乎直通晉王侍中書矣。蓋能于偏處取正。中處見側。相生互用。遂為大家。董文敏謂其好用偃筆。似猶未知坡公之深也。康熙五十七年歲次戊戌十一月六日。橫雲山人王鴻緒謹題于長安邸舍。時年七十有四。鈐印四。王鴻緒印。嚴齋大司農章。熙陽齋。

題籤

御筆。林逋蘇軾詩帖。內府珍品。鈐寶一。乾隆

宸翰。

鑒藏寶璽。

八璽全。

樂壽堂鑑藏寶。古希天子。五福五

代堂古稀天子寶壽八徵耄念之寶游六藝圃  
洗盡塵氛爽氣來妙意寓清快

收傳印記濟陽文府爽寶奎堂鴻緒儼齋祕  
玩子孫永保雲間王鴻緒鑒定印儼齋書印  
鴻緒之印寶晉山房怡老堂珍藏印王儼齋  
鑒賞法墨名畫橫雲山人

謹按濟陽文府乃元柯九思印是卷見書畫  
彙考江村銷夏錄



燕文貴秋山蕭寺圖

一卷

〔本幅〕絹本。縱一尺二分。橫一丈一寸。淺設色。  
畫山水。蘭若。村屋臨溪。行人待渡。款燕文貴  
畫。

御題行書

萬嶂秋山。螺黛紋。泉聲松韻。謖堪聞。花宮擇勝。  
依峰側。茅店棲卑。近水濱。閉戶僧人。自高逸。趁  
途旅客。且殷勤。畫家說偈。示塵世。鮑氏偏徵蕭。

子雲。辛卯新秋月。御題鈴寶二。乾隆。

後幅前人題跋

潯陽江上山如繡。挾策追游憶往年。柿葉霜黃秋滿壑。芙蓉波冷月臨川。釣舟箇箇來沙曲。梵宇層層倚樹顛。白髮田園歸計晚。斷腸西望夕暉邊。鍾陵余復鈴印二。復菴古道為愛前朝寺。城園憶舊游。醉騎支遁馬。聞覓海翁鷗。落澗松林月。懸崖瀑布秋。愧無棲隱地。吟咏到滄州。朽庵居士文。鈴印二。林雲文照野棠花落過清明。春事忽忽夢菜驚。倚棹編吟沙際路。半江烟雨暮潮生。已山二月廿一日。為清明日。風雨晏然。舟泊東林西許步過伯敬微君高齋焚香。名出示照文貴秋山蕭寺園後玩既久。因寫是日所賦絕句于上。

倪瓚鈴印一逸民  
漫浪遊遊五十年  
馬崖絕巘出雲烟  
眼明仿  
識圖中意江峽曾來萬里船  
天游生陸廣  
忽見燕侯畫今人憶舊遊  
千巖開太古萬木  
聳高秋石路驅輕騎江風送遠舟  
人間無此  
境舒卷不能休  
曲江居士錢惟善  
已酉歲僕客沈隱君伯璠家  
觀燕文貴精妙  
入神畫不敢綴辭  
沈君索詩書卷後勉賦四  
語後二載復觀斯卷  
諸公沛然吟長篇  
沈君  
後索鄰詩故有足作長風吹船過彭蠡縹緲  
雲裏矗天降天柱峯迴玉筍遙金掌芙蓉半  
空起汴宋後先多畫師迴轉天機誰比擬  
燕  
侯文貴世罕得點染清妍才擅美斯圖披拂  
雙眼明幽討直須論萬里  
前移絳石虧雲根  
鐵壁蒼崖徹湖洪紺殿珠樓佛寺中  
丹臺玉  
室仙境裏水邊沙際市橋通  
野店人家茆屋



杖凌元州。安期羨門子。招搖指蓬邱。回視句  
吳山。培塿一土坏。載復觀斯圖。慷慨興歌謳。  
天游生陸廣。

蕭寺久寥落。燕侯為發揚。山橫紅樹晚。殿瑣  
碧雲涼。杖策情仍在。乘舟意不忘。獨懷前代  
事。撫京暗悲傷。右蕭寺圖。乃燕侯文貴所作。  
按梁武帝造佛寺。令蕭子雲飛白大書蕭寺  
二字。故名。今覽此圖。不勝感慨。漫賦是詩。書  
識于後。環中老人鮑恂鈐印三。仲孚。環中老  
人。玩易齋。

野性樂山水。塵居違素心。蕭然困疲役。胡能  
遂幽尋。恒思愜所適。勝榮忘登臨。秋清景尤  
曠。蒼翠列遙岑。霜餘委蔓草。孤秀愛雲林。畸  
人寡諧俗。結宇丹崖陰。浮念不煩遣。寂寞契  
冲襟。况復通蕭寺。禪誦有遺音。草屨足自老。

簪組知難任披圖憶所歷閱歲茲已深景物  
匪殊昔但傷華髮侵何當脫塵躅歸休則自  
今河南高異志題于秀水隱居鈴印二高士  
敏氏大鼓山想者

秋山望不盡蕭寺意無窮巖壑飛霜月樓臺  
落木風待船茅店近乘騎野橋通神會燕侯  
得當時孰與同前東塔住山若元鈴印三輝  
氏孰中口羅林履雪軒

長江浩蕩秋波碧待渡行人立沙側望中烟  
樹翠模糊夾岸層巒幾千尺碑宮見剝出遠  
林林間曲徑歸僧尋也知畫史真善幻一幅  
生綃傳至今吟嘯生雞絃鈴印四孟維冷淡  
生活說古生蘭坡  
六月閑居塵事寡故人相訪衙門下示我秋  
山蕭寺圖云是燕侯之所寓燕侯畫癖人共  
知苦心蒙素鬢成絲江山楚越曾徧覽援筆

絕境移于斯。千巖萬壑。氣森爽。木落天虛下。  
泉響翠壁含風。薜荔懸青林。宿雨莓苔長。硿  
谷金銀佛寺開。五雲樓殿影崔巍。聽鶯鶯。  
多羅樹。衛法龍。過七寶臺。秋濤江上。魚天淡。  
浦淑聯絲山縱嶮。幽人來。眠喚舟航。逋客還  
尋。烟岑猿嘯清泉。衆蘆洲。鴈起。輕飄飄。乃知  
異境不可得。汨沒人間。省遺墨。布襪青鞋與  
浩然。塵容白首歸。猶惑依稀雲氣上。永襟動  
我登山臨水心。山中故人。倘招隱。結茅擬傍  
蒼崖陰。長沙蕭規。鈴印一。學士之宗。  
下與酌清泉。步自山南。臨躋攀。待幽勝。起。聽  
遂忘疲。依巖結淨宇。而海。啟高扉。振衣虛臺  
迥。窺寶陰。雲迷佛燈。晝熒熒。翻經惟老緇。覺  
日無嘯語。適開林鳥啼。謂非隔人世。靜趣寧  
若茲。久思脫塵網。負累世。笑遺所遇。惟還想。

何能即幽棲射利念已絕。徇名心更違。終尋  
烟霞侶。同赴滄洲期。八月十三日。過顧子羽  
東溪小隱。羽為伯璫求題蕭寺圖。時予忽促  
理權。不得思索。遂寫題海雲蘭若詩于其右。  
彭城劉堪識。  
迴崖列岫鬱相連。兜率樓臺際碧天。飛鳥已  
還秋色裏。疎鐘猶在夕陽邊。溪橋緩轡官人  
馬。野飯維梢客子船。記得官遊逢此景。披圖  
不覺思茫然。莆田黃守鈴印二。約中玉堂口  
致。

燕文貴。吳興人。初師河東郝忠。往來京師市  
畫于天門道上。待詔高益見而奇之。聞于宋  
太宗。命寫相國寺樹石。端拱中。勅畫臣面進  
紈扇。上賞其精筆。曾畫船舶渡海像。七夕夜  
市圖。工麗無比。神廟時又有燕文季畫院謂  
之燕家景。終不及文貴。此卷蕭寺圖也。張無

奇出示于白石山房。客有謂其南宋者。余故  
拈此題于卷後。天啟二年十二月望日。呵凍

書

陳繼儒題鈴印一眉公

此卷藏于鄭藩竹齋。為讓國端清世子次子。  
甲戌夏同年史黃門雲岫出以示余。余示孟  
津令張二酉云。曾見此卷于新安汪景口家。  
今已二十年。不知何以至此。余愛而留之。是  
月得簡于觚。暨餐餐。遂並寶焉。崇禎八年  
乙亥七月七日。袁楷書。時余觀察河北之三  
年也。鈴印三。袁楷之印。先心藏密。過園  
宋燕文貴秋山蕭寺圖。墨林項元汴真賞。嘉  
靖三十六年。吳門王文恪家。下有治  
字。編號鈴印二。墨林子京所藏。

鑒藏寶璽

八璽金

樂壽堂鑑藏寶。古希天子壽。八徵

耆念之寶

收傳印記

張彬文進張文進氏山中

印半神品

山林松隱朱翊欽印張偉之印項元汴印項  
子京氏寄放墨林項季子章幻浮項子京家  
珍藏項墨林鑑賞章墨林秘玩項墨林收藏  
書畫印項叔子項子京世外法寶平生真賞  
退密元汴之印桃花源裏人家沮溺之儔煮  
茶亭長物外元賞子孫永保子孫世昌蒙古

□□□氏竹窓江村高士奇圖書記高士奇

印高士奇簡靜齋江村祕藏田疇耕耨虛朗

齋清言堂印口生清興印又四印不可辨

謹按余復寧德人對策第一後入史館兼實錄院檢討高異志字士敏蕭縣人徙居嘉興洪武初召修元史累官太常少卿有晉庵遺藁釋父字中歲錢塘人羅紘字孟維山陰人黃字字約仲以汀州府學教授推翰林院檢討有靜齋集袁措鳳翔人官河北道其跋所云讓國端清世子者即著樂律書之戴堉其父厚煥得罪戴堉築土室宮外席藁獨處者十九年後以宗盟之序讓鄭國於戴堉詔戴堉以世子祿終其身子孫仍封東垣王其次

子即翊鉉。見明史諸王表。卷尾有印記。王文恪。蓋大學士王鏊裔之也。是即見江村消夏錄。題跋印記俱同。亦見法書名畫見聞表。書畫彙考。



北宋燕文貴匡廬清曉圖 一卷

〔本幅〕素牋本。縱一尺一寸。橫四尺四寸五分。  
水墨山水。界畫樓閣。落帆行騎。蒼崖瀑布。似  
蠡湖畔樓賢三峽橋景。無名款。

御題行書。

雲峯天外矗。秋景曉來宜。雁閣樓霄漢。虹橋飲  
水湄。錦林扶截障。珠瀑落嶸崎。恍憶銀河畔。青  
蓮得句時。 乾隆御題。鈐寶三。雲霞思。乾隆宸

翰幾暇臨池。

前隔水王鐸題跋。

淳厚古雅。超然時習之外。鼎彝難以絮重。文  
蘇先生世寶。順治六年上巳後二日。觀王鐸  
初識。己丑八月。席上再觀。重嶽濕嵐。侵人若  
宇。似入吾瀝水箕山。王鐸又識。

後幅前人題跋。

載通守錢塘日。與言外師游。借此畫逾年。將  
去。乃題其後。歸之。今十六年矣。師云。字為  
人竊去。復為書此。元祐四年十二月四日。著  
山蘇軾。

六年。夏。至日。林希子中。王子淵微之。邵材聖  
規。梅灝子明。王奧道國。蔡卞元度。同觀。

元符三年九月廿二日。謁言外。得見燕貴山。水并子瞻元度真筆。耳目為之一清。時發題。自昔英奇境。燕開寓游清。樂道相關。淵翻溫。潤坡公筆。凌轢慘舒。燕貴山言外。琅函圖假。重。福。衷。鼠。輩。不。防。姦。莫。論。人。得。魚。人。失。能。致。先生是自還。大德丙午。商瑄。鈐印。西村。

題籤

御筆。北宋燕文貴。匡廬清曉圖。

內府珍賞神品

鈐寶

二御賞。乾隆宸翰。

鑒藏寶璽

八璽全

樂壽堂鑑藏寶。內府書畫之寶。御

賞。稽古右文之璽。古希天子五福五代堂古稀

天子寶壽。八徵耄念之寶。天恩八句。稽古石文。

收傳印記珍玩之字。印半家字。印半文房之印。商

氏賞收曹南商氏賞收述古珍玩張之傑記。

遺安家傳梁清標印蕉林鑑定秋圃清賞倉

巖子觀其大畧口氏。印半雲中。

謹按是卷據蘇軾跋。北宋時在杭州僧言外處蘇軾跋在元祐四年。前十六年為熙寧七年。通判杭州移任密州歲也。林希福州人。章惇引為掌制。極誠。元祐諸臣陰斥宣仁者。蔡卞為蔡京弟。邵時。宣興人。熙寧進士。監察御史。王安石語材劾去司馬光。材不從。遂自劾歸。

梅灝。吳縣人。宋熙寧進士。卷內有曹南商氏印。及大德商瑋詩。考元史。商挺。曹州人。世祖時累遷樞密院使。有子五人。號瑋。瑋。瑋。瑋。瑋。尤善書畫。則此卷自是商挺家所藏。瑋字為一切字書所無。或即瑋字別體書耳。詩中所言鼠輩。蓋指林希蔡卞也。

燕文貴溪山樓觀圖 一軸

〔本幅〕絹本。縱三尺二寸八分。橫一尺四寸九分。水墨畫溪山重疊。層樓飛觀。高出雲表。下有水榭。無名款。

御題行書。

宗臺百丈計延袤。更占溪山景最幽。名匪方壺定員嶠。居宜黃石與丹邱。樹無秋夏雲常綠。瀑任冬春玉鎮流。誰入維摩居士室。畫禪一紙此。

中留。戊辰新秋月上澣御題。鈐寶二。乾隆

題簽

御筆。

燕文貴溪山樓觀圖。

神品

鈐寶一。乾隆宸翰。

鑒藏寶璽。

八璽全

樂壽堂鑒藏寶。古希天子壽。

收傳印記。

司印。

半印

鑒得於己快然自足。蔣子

厚氏怡閣。蒼巖。棠村審定。

易元吉聚猿圖 一卷

本幅絹本。縱一尺二寸四分。橫四尺三寸八分。水墨書山谿林壑。黑白猿三十。無名款。

御題行書。

刻意入山居。傳神寫戲狙。詭稱君子變。沐比楚人如。掛樹騰而迸。飲泉軒且渠。不因耽置酒。羈絡詎加諸。乾隆乙亥春。御題。鈐寶二。幾暇怡情。得佳趣。



後幅前人題跋

長沙易元吉善畫早年師趙昌後耻居其下  
通入山中隱處陰窺獐猿出沒曲盡其形前  
無古人後無繼者畫史米元章謂在神品余  
嘗師之今見此卷惟有敬服吳興錢選并舉  
跋鈴印三并舉印章并舉錢選之印

陸藏寶璽

八璽全

樂壽堂鑑藏寶古希天子五福五

代堂古稀天子寶壽天恩八旬

收傳印記封印公信公珍賞鑑定書畫之章

珍秘會侯珍賞信公鑒定珍藏

趙昌畫花鳥 一軸

本幅蠟花箋本。縱一尺四寸五分。橫九寸三分。水墨畫斜枝垂絲海棠。上集白頭翁一鈴。鼎式印。趙昌寫。

御題行書

如白復疑紅。絲絲颺惠風。一枝棲正穩。滿意入芳叢。嫩葉芳葩襯春光。頓裏留。不知枝上烏頭白。為誰愁。丙戌春御題鈐寶一。乾隆宸翰。

鑒藏寶璽

八璽

樂壽堂鑑藏寶

收傳印記

瞻衮堂袁申儒印南昌袁氏家藏

珍玩子孫永保希世畫忠徹又小印一不可

辨

謹按明史袁忠徹官尚寶寺丞改中書舍人  
乃善相袁珙之子明初傳為賞鑒家

郭熙畫雪景一軸

本幅絹本。縱六尺一寸。橫三尺五寸。淺設色。畫高峯積雪。古寺茆屋。斷岸平橋。泊舟垂釣。諸景無名款。

御題行書

千山高下玉鋪晶。赴澗飛泉尚有聲。著箇漁蓑猶釣艇。笑他詩句落艱成。丙戌新春。御題。鈐寶二。乾隆。

鑒藏寶璽

金璽

樂壽堂鑒藏寶古希天子五福五

代堂古希天子寶壽八徵耄念之寶

崔白寒雀圖 一卷

本幅絹本。縱八寸。橫三尺二寸。設色。畫寒木一枝。雀九。飛棲異態。款崔白篆。

御題行書。

寒雀爭寒枝。如椒目相妬。設有鷗來。毆拾讐共救護。壬午春日。御題。鈐寶二。乾隆。

引首

御筆。意闊飛動。鈐寶一。乾隆御筆。

後幅前人題跋

崔白字子西。工畫花竹翎毛。自以性疎濶。不願補畫苑職。後因得特免。雷同差遣。然過片主知。不恒執筆。故其真蹟甚少。此九雀圖。意態各足。筆法清逸。其為真蹟無疑。況有秋堂印章。而裝潢猶是宋時。故物良可寶愛。謝貞一中舍在芙蓉洲出示。敬題其後。時隆慶辛未九月六日。三橋文彭鈐印。三文彭之印。文壽承氏。長生。

題籤

御筆 崔白寒雀圖 鈐寶一 乾隆宸翰

鑒藏寶璽

八璽

樂壽堂鑑藏寶 古希天子 五福五

代堂古稀天子寶。壽。天恩八旬。

收傳印記封。皇姊圖書。台州市房務抵當庫  
記。湛思記。悅生。琴書堂。謝從寧書印。謝從寧  
印。耿嘉祚會侯氏號漱六主人書畫之賞章。  
真賞。紹勳。耿會侯鑒定書畫之章。丹誠。漢水  
耿會侯書畫之章。三都尉之章。勤僖公後人。  
珍祕。張氏珍玩。北燕。張氏收藏。宜爾子孫。清  
癡。



謹按在自字于西宋熙寧時涿梁人。工畫花  
竹翎毛。後補圖畫院藝學。見圖畫見聞志。

蘇軾黃州詩帖

一卷

本幅素箋本。縱一尺一寸二分。橫三尺九寸。  
行書。自我來黃州。已過三寒食。年年欲惜春。  
春去不容惜。今年又苦雨。兩月秋蕭瑟。卧聞  
海棠花。泥污燕支雪。閨中偷負去。夜半真有力。  
何殊病<sub>注</sub>少年。子<sub>去</sub>病起頭已白。春江欲  
入戶。雨勢來不已。雨<sub>去</sub>點小屋如漁舟。濛濛水  
雲裏。空庖煮寒菜。破竈燒溼葦。那知是寒食。

但見烏銜紙。君門深九重。墳墓在万里。也擬哭塗窮。死灰吹不起。右黃州寒食二首。無名款。有黃庭堅董其昌題跋。

御題行書。

東坡書豪宕秀逸。為顏楊已後一人。此卷乃謫黃州日所書。後有山谷跋。傾倒已極。所謂無意於佳乃佳者。坡論書詩云。苟能通其意。常謂不學可。又云。讀書萬卷始通神。若區區於點畫波。

磔間求之。則失之遠矣。乾隆戊辰清和月上

澣八日。御識。鈴寶三。乾隆幾暇臨池。

東坡此詩似李太白。猶恐太白有未到處。此書無顏魯公楊少師李西臺筆意。試使東坡復為之。未必及此。它日東坡或見此書。應笑我於無佛處稱尊也。  
余生平見東坡先生真跡不下三十餘卷。必以此為甲觀。已摹刻戲鴻堂帖中。董其昌觀並適。

〔引首〕

御筆。雪堂餘韻。鈴寶一。乾隆御筆。

後幅前人題跋

東坡老仙三詩。先世舊所藏。伯祖水安大夫。嘗謁山谷。公於眉之青神。有興行書帖。山谷皆跋其後。此詩其一也。老仙文高筆妙。榮苦霄漢雲。或之麓。山谷又發揚臨厲之。可謂絕代之珍矣。昔曾大夫禮院官中秘書。與李常公擇為僚。山谷母夫人。公擇女弟也。山谷與永安帖。自言識先禮院於公。擇舅坐上。由是與永安。特好。有先禮院所藏昭陵御飛白記。及曾叔祖廬山府君志名。皆列山谷集。惟諸跋世不盡見。此跋尤恢奇。因詳著卷後。永安為河南屬邑。伯祖嘗為之宰云。三晉張續李長甫。懿文堂書。鈐印一。懿文堂圖書。

題籤

御筆。蘇軾黃州詩帖。長春書屋鑒賞珍藏神品。鈐寶五。天府

珍藏。御賞。乾隆宸翰。神品。

鑒藏寶璽

八璽全

樂壽堂鑑藏寶。古希天子。五福五

代堂。古稀天子寶。壽八徵耄念之寶。觀書為樂。如古含今。

收傳印記。天厯之寶。荆湖南北轉運使印。司

印。半印。神品。沈純祉印。沈受蕃印。一字受公。沈

氏受公。沈□□氏。韓逢禧印。韓世能印。埋輪

之後張氏珍玩。北燕張氏珍藏。北平孫氏成德容若。楞伽山人容若書畫。容齋成德香界。成子容若。楞伽真賞。瑯琴閣珍藏。花間草堂。楞伽容齋清玩。

懋謹按是蹟。刻入張勤殿帖。亦見晚香堂帖。黃庭堅跋。見山谷集。張縉跋。其所云曾大父禮院。乃張公裕。曾官秘閣。校理其子浩。即所謂永安庭。堅為作仁宗皇帝御書記者也。廬山府君乃公裕弟。公邵官通直郎。知廬山縣。張氏世為蜀州江原人。云出留侯之裔。故以三晉署望也。天曆之寶。元文宗刻。見輟耕錄。

蘇軾二賦真蹟 一卷

本幅白麻紙本。縱九寸四分。橫一丈三寸八分。行書。洞庭春色賦。中山松醪賦。二篇。并自記。有張孔孫跋。洞庭春色賦。吾聞橘中之樂。不減商山。豈霜餘之不食。而四老人者。游戲於其間。悟此世之泡幻。藏千里於一班。舉棗葉之有餘。納芥子其何艱。宜賢王之達觀。寄逸想於人寰。娟娟兮春風。泛天宇兮清。



聞吹洞庭之白浪。漲北渚之蒼灣。携佳人而  
往游。勤霧鬢與風鬟。命黃頭之千奴。卷震澤  
而與俱還。糝以二米之禾。藉以三脊之管。忽  
雲蒸而冰解。旋珠零而涕潛。翠勺銀罌。紫絡  
青綸。隨屬車之鵠夷。歟木門之銅鑲。分帝觴  
之餘漑。幸公子之破慳。我洗盞而起嘗。散腰  
足之痺頑。盡三江於一吸。吞魚龍之神姦。醉  
夢紛紜。始如髦鬣。鼓包山之桂楫。扣林屋之

瓊闌卧松風之瑟縮。揭春溜之淙潺。追范蠡  
於渺茫。弔夫差之惛鰥。屬此觴於西子。洗亡  
國之愁顏。驚羅襪之塵飛。失舞袖之弓彎。覺  
而賦之以授公子曰。烏乎噫嘻。吾言夸矣。公  
子其為我刪之。中山松醪賦。見養心殿  
所藏

臨蘇軾中山  
松醪賦卷

始安定郡王以黃柑釀酒。名

之曰洞庭春色。其猶子德麟得之以餉子。戲

為作賦。後予為中山守。以松節釀酒。復為賦。

之。以其事同而文類。故錄為一卷。紹聖元年  
閏四月廿一日。將過嶺表。遇大雨。留襄邑書  
此。東坡居士記。

御題行書

內府收藏蘇軾書。凡數十種。妍秀飄逸。各極其勝。  
此所書二賦。乃將過嶺時筆。精氣盤鬱。豪楮間。  
首尾麗密。信坡書中所不多觀。讀賦中悟此世  
之泡幻。藏千里於一班。與夫取通明於盤錯。出

昉澤於烹熬。數語殆其自道。於無意中自然流出。所謂氣高天下者。尚可想見。乾隆丙寅長至後一日。御題鈴寶二。會心不遠。德充符。

中山停蹕憶松醪。開卷如親書興豪。大令漫教誇裏鐵。曹郎差可擬持螯。文章爛豈驚薇纆。拄杖投仍起續騷。雪浪齋前重俯仰。髯翁曾此一揮毫。乾隆庚午小春。駐衆春園題鈴寶二。乾隆

予自鄂渚走豫章。荆西問前宋名公墨蹟。往往非真。今觀郭仲實所藏坡仙出定州書二

賦筆意雄勁與密國公家鐵溝行元道山收  
王晉卿畫烟江疊嶂圖唱和深相類好事者  
當珍秘之時至元乙酉七夕同史部尚書劉  
伯宣應奉翰林文字楊從周觀於上都官舍  
隆安張孔孫題

前隔水

御題

洞庭春及定州醪二賦同書一卷豪飛興逸同  
子安崔拍浮樂勝鮑陽鰲益成無礙安磐石城  
守還教奠驛騷行館畫長值清暇弗尋花柳試

拈毫。壬子清和上澣。再疊庚午詩。御題。吟寶  
二。八徵耄念。自彊不息。

後隔水

御題

薄用收松製作醪。髯翁想見意雄豪。烹熬自可  
出肪澤。鋪啜何須較蟹螯。猶子贈茲同氣味。大  
夫擬彼畔牢騷。中山正此數典處。携卷重賡點  
詠毫。丙午季春月。疊庚午詩韻。御題。鈐寶二。

古希天子猶日孜孜

引首坡翁寶翰篆門生太原喬宇敬書鈐印

三白巖喬宇圖書甲辰進士

後幅前人題跋尺牘

右洞庭春色中山松醪二賦東坡先生之文  
翰也如良金玉雖愚夫愚婦皆知為至寶  
太學上舍襄陽鄭君連寶而藏之固宜也君  
亦以文翰之善協贊鳳池諸公典制誥事慎  
密簡靜時論歸之茲以年勞授監屋知縣將  
行持以示余求題士君子幼學壯行益有及  
物之志君發物伊始寶百里之民休戚所係  
先賢遺墨尚知寶愛推以及民其有不妥

者耶。君尚切所重哉。正統壬戌冬十月初吉  
奉政大夫。尚修正庶尹。禮部郎中。賜食三品祿。  
直文淵閣。永嘉黃養正書。鈐印三。志我齋黃  
蒙養正私印。玉署餘清。

中山松節洞庭相。不待銜杯意。已酣三復好  
辭還妙翰。暑風吹鬢晚。耗耗不用殷勤著酒  
經。自將詞賦託芳馨。若從願素論書法。肯放  
人間是獨醒。東陽鈴印一。竄之。

蘇文忠公書。流傳人間者。僕平生所見。幾數  
十卷。然獨文史公家之後。赤壁賦及嵩陽帖。  
徐文靖之楚頌。買田陽羨二帖。李太僕之乞  
居常州奏。徐銀臺之九歌。惟此諸篇為絕妙。  
其餘紛紛碎璣。斷壁不稱秘寶。頃觀此二賦。  
於陳君從訓裝中。紙墨精好。波畫遒勁。誠哉  
偉麗之觀。余家黃庭亦欲並臨。爭先者。乙亥  
八月廿又三日。王穉登謹題。鈐印二。穉登王



百教氏

疎文忠公書。余生平所藏四詩滿瀝飄逸。每

謂人間無二。至於長篇完時。紙精墨好。有冠

冕珮玉之意。故當共推此卷。以時便見刻本。

不意於從訓所獲見真蹟。三復不能釋手。為

誌年月姓名於後。甲申九月朔後一日。吳郡

王世懋謹題。鈐印二。敬美。

洞庭春色中山松醪二賦。實此公酒經之羽

翼。既成而絕愛之。往往為客書。所謂人間合

有數十本者。余與敬美所見石本。一則草而

度一則楷而放。與此蹟頗不同。此蹟不惟以

古雅勝。雖姿態百出。而結構緊密。無一筆失

採綴。當是眉山最上。來觀者毋以墨錯蹟之

可也。賦語流麗。伉儷亦自可兒。計此公將過

嶺。留夏城。恰得五十九歲。與余正同。余不赴

刑部侍郎。庶可免嶺外遊。第斷米汁來。僅旬

日已與二賦無緣。不知此公而在能首肯否。  
又後二日。世貞題鈴印。一王世貞印。昨一  
見。足下坐談之頃。使人其然快心。及觀佳詩。  
畫又復油然興。意欲治一觴以留足下。而何  
能事烹宰。楊飯菜羹。又非所以款長者。奈何。  
一詩。聊見情然。皆寶境也。薄物不足將敬。扇  
汗臨并上。鄉侍生王世貞頓首。敬從詞。契兄  
先生詞伯足下。二卷皆妙。而坡公筆尤出塵  
惜跋不稱耳。而僕又不稱。可笑也。  
坡翁書出於顏魯公。楊少師。宋朝第一。以多  
假筆。遂有墨猪之議。此二賦經營下筆。結構  
嚴整。鬱屈瑰奇之氣。迴翔頓挫。之姿。真如獅  
踞虎踞。余所見坡翁蹟。甚衆。惟此誠稱甲第。  
三十年中。每當時窓勝日。焚香展對。胸中塵  
諦。不復知消歸何處矣。時戊戌季秋。備適。榮  
孝思漫識於培風閣。鈴印二張。孝思懶逸宜。

子孫

題籤

御筆

蘇軾二賦真蹟

神品

鈐寶一。乾隆宸翰

鑒藏寶璽

八道全

樂壽堂鑑藏寶古希天子已有同

春壽印事多所欣和順積中筆花春雨

收傳印記耆德中正張孝思張則之放情邱

壑張孝思賞鑒印膠西張應甲先三氏圖書

張應甲季振宜印滄葦河北崇邨梁清標印

蕉林蒼巖蕉林秘玩

三希堂法帖亦見秋碧堂帖賦中味餘甘之小  
苦本集之作而奶嬾今春風本集作秋風包  
山本集作巴山蓋異同筆也安定郡王係宋  
燕王德昭後人世封當軾作賦時所稱安定  
郡王為世準字君平見施注蘇詩德麟名令  
時舊字景貺軾為字德麟著字說華原郡公  
世憲子後於高宗時襲安定郡王記稱紹聖  
元年四月將適嶺表留襄邑考是年軾知定  
州落兩職知英州來舟沿汴入江集有乞舟  
行赴英州狀故道經襄邑也襄邑屬東京開  
封府合睢州地張孔孫字夢符濟南人元世  
祖時侍御史行御史臺事元遺山為元好問  
號好問字裕之太原秀容人金興定間進士

歷行省左司員外郎劉伯宣名宣太原人元  
至元間吏部尚書後為南臺御史中丞退封  
彭城郡公諡忠憲喬宇字希大號白巖太原  
樂平人明武宗時吏部尚書其稱門生蓋是  
頃為李東陽所藏東陽於成化八年以禮部  
侍郎兼文淵閣大學士直內閣宇係成化二  
十年進士當是東陽門生也黃蒙字養正溫  
州瑞安人永樂中中書舍人正統中直文淵  
閣

蘇軾書杜甫榿木詩一卷

〔本幅〕素戕本。縱八寸五分。橫二尺六寸五分。  
行書杜甫堂成詩。并軾自識語。背郭堂成  
陰白茆。綠江路熟俯青郊。榿林礙日吟風葉。  
籠竹和烟滴露梢。甍下飛烏將數子。頻來語  
鷁定新巢。旁人錯比揚雄宅。懶墮無心作解  
嘲。蜀中多榿木。讀如歌側之歌。散材也。獨  
中薪耳。然易長。三年乃拱。故子美詩云。飽聞

檜木三年大。為致溪邊十畝陰。凡木所託。其  
地則瘠。惟檜不然。葉落泥注旁水中。輒腐。能肥  
田。甚於糞壤。故田家喜種之。得風葉聲。發發  
如白楊也。吟風之句。尤為紀實云。籠竹亦蜀  
中竹名也。

御題行書。

杜甫草堂有數處。此詩云背郭緣江。則當屬成  
都之浣花。山川風物之美。惟久習者知之。東坡

蜀人故於榿林龍竹言之特詳。山海經云：單狐之山多機木。郭注：似榆可燒以糞田。與坡語合。此明楊慎以為即榿木也。坡以蜀人而書古人故鄉之詩，神采尤奕奕飛動，超越筆墨之外，不特尋常稱詩字合璧而已。明牕展卷，輒識數言。時已己臘日，鈴寶二，幾暇怡情。乾隆宸翰。

後幅前人題跋

金華胡長孺。淮陰湯炳龍。郫川劉鉉。眉山程那龍。永陳象祖。廬山連璧。富春潘夢得。大德。



辛丑立冬日。同觀於胡氏顏樂齋。此蘇太師真翰也。仲德先生其寶藏之。大名後進王執誼拜觀。大德丁未十月朔日。山翁之孫庚白攜以見。示復寫目焉。至順癸酉春正月既望。甯陽黃北敬書于海寧寓舍。鈐印二。介石齋玉閣。竊童子時師事南陽先生。時以舒君和父與先師嗣伯壽父同觀。今四十餘年矣。至正三年三月。至長安鎮。過先師甥館之孫懋。出示斯卷。歎息之餘。不啻晨夕。敬書于后。用以識存破歲月云。河東張翥鈐印一張。仲舉父。至正六年夏四月。濮陽吳淑拜觀于長安章氏棟華堂。篆書鈐印二。吳淑私印。吳孟思氏文忠公墨蹟。多散落人世。然此卷題識觀玩者亦多。先師遺物故殆盡。今存者特張君仲舉官至侍講。蓋侍講嘗學於仇仁近先生。而

此卷則先生舊藏也。展卷之際感念存殁為之慨然。至正二十一年冬十有一月遂昌鄭元祐識於印三鄭元祐印遂昌山樵鄭明德氏

臨川危素同四明袁士元拜觀鈐印二危素私印危素太朴氏

昔先生嘗贊美杜子美詩顏魯公書此求之於聲律點畫之外。今觀先生書杜詩後千百年。宛然若日昨揮灑者。蓋寓精神於翰墨而材品所自到爾。倚拘以宇宙之得而論之。是未可同賞妙也。宜自襲藏玩為尚。洪武己巳八月六日嚴陵金冕志鈐印二金順之醉素。

坡翁書大縣骨撐肉肉沒骨自出新意亦一快哉。今觀此書其字畫更圓熟遒勁可愛與余舊所見諸帖復別。文幹當寶愛以傳諸子。

孫於無窮也。永樂己丑春三月望日吳郡姚  
廣孝識鈴印二太子少師姚廣孝同書并托  
此卷袁卿尚寶卿曾公所成唐思房得之  
公字文幹思房之母公之女孫也成化丁亥  
予於濟南太守楊君必貴處見東坡所書醉  
翁亭記字徑二寸今又見此并前元名卿頤  
儒觀者題名是日也兼得拜詹東坡小影於  
其喬足以洗塵心而懷風念觀者題名欲一  
一蹤之第注易未暇也尚有侯馬希世之珍  
思房宜秘之虞有力之要人可也癸卯歲月  
正壬戌日姑孰謝理一卿跋鈴印三東岑子  
尚友三世制科進士

題籤

御筆

蘇軾書杜甫檣木詩

內府珍藏

鈴寶二

神品乾

隆宸翰

鑒藏寶璽

八璽全

樂壽堂鑑藏寶

收傳印記。叡思東閣。紹興賈洵。徐氏珍玩。東海郡圖書記。遼海王氏。下令之鑑定。令之仙客。式古堂書畫式古堂。

三希堂法帖。胡長瑞。字汲仲。號石塘。婺州永康人。

至元間。官集賢修撰。著有石塘文集。湯炳

龍。字子文。其先山陽人。徙居京口。辟慶元市

舶提舉。自號北村老氏。著有北村詩集。任那

字晉輔。其先蜀人。徙居湖州。官婺源知州。袁

士元。字彥章。郢縣人。庾亮屬為平江路學教  
授。自號荆村學者。著詩林外集。金晃。宜興人。  
正德間進士。官河南石參議。謝理當塗人。成  
化間進士。不仕。書畫彙考載此帖題跋俱同。

黃庭堅論書 一卷

〔本幅〕素牋本。縱九寸五分。橫一丈七寸二分。行楷書。學書端正。則窘於法度。側筆取妍。往往豐左而病右。故端書如右軍霜寒表。子敬乞解臺職狀。張長史郎官廳壁記。皆不以法度病其精神。至於行書。則王家父子。隨意肥瘠。皆有佳處。近世惟顏魯公。楊少師。特窺其妙。其用筆能左右之。不好處。更覺斌媚。求

一點一畫俗氣不可得。比來士大夫唯王荊  
公書有古人氣而不端正。然筆力甚適。司馬  
公正書不甚善。而隸法極端勁。似其為人無  
名款。

後幅前人題跋

浩翁作字深得提筆回腕法。度甚嚴。柳誠懸  
曰。心正則筆正。故其書評則於左右之體。懸  
畫之間。既能精神不病。要且適勁。兩全誠為  
確論。然而留心至此。安得不造其佳處。杜子  
夫所謂毫髮無遺恨。波瀾獨老成者也。昌叔  
燕鄧賢主孫其先德。於翁交游最深。蓄書帖

甚富。而又季父德麟為東坡之客。乃知師友淵源。其來有自。文雅諸以此軸摹刻諸石。庶幾發揚奇蹟。流傳好事者云。紹興丙子六月。下幹丹陽蘇文雅題。

山谷善論書。以側筆取妍為病。然或議者猶以是病之。太史始師周膳部。晚脫摺筆。至作草書。王定國深疑之。字隨世運。議無過者。惟鍾王耳。藝以德傳。越千百年無有能易此論。

袁桷識。

黃太史書。雖小字亦有方丈之勢。蓋其胸次存大節。真一代之偉人歟。大梁班惟志信筆跋。

黃文節公孝友節義照映千載。文章翰墨其餘事亦精。諳如此。宜寶之者愈久而愈不厭也。楊士奇獲賂於柴侍郎所。輒題其後。鈐印三。楊士奇氏東臯春雨亭泰和。



黃文節公翰墨妙當時後之得者亦寶愛如拱璧蓋貴其德耳非特書也此紙論書足見精詣其謂右軍書法唯顏魯公楊少師特窺其妙魯公忠義之氣溢於翰墨固足以儀範後世少師乃楊凝式其書多在僧壁傳於楮素者甚少時人極愛重之而黃長睿謂其祖述不逮右軍父子筆法似不如是長睿非不知而言者而文節稱之如此蓋必有所取非虛美也惜其書不傳不得以究其妙姑識于此以俟知者王直題鈴印三行儉抑菴江表山谷老人嘗與所交論書謂楷法欲如快馬斫陣草法欲左規右矩此古人妙處迨觀此帖誠有得書家圖與者然翰墨之妙特公之刺事世所寶愛尚若此則孝友之行在人又當何如耶建安楊榮題鈴印二楊勉仁氏大學士之章

僕遠祖文節公作字運筆行墨圓渾如琢玉而精神風采自溢于筆鋒之外此其所以為難也家藏有秋江賦雄偉傑出惜其首尾不全此帖字雖差小而文完無缺翩然有飛動之態尤為可愛各宜慎寶以供清玩也或欲互易傳觀未審雅意何如宣德丁未修禊日介庵黃淮拜書鈴印三學而未能黃宗模氏瑞菊軒

宋黃太史書予多見之此獨言書法有益學者尤足珍愛兵部郎中柴君叔興以示予留玩累日識以歸之宣德四年冬十月二十七日翰林侍讀金陵李時勉識鈴印三古廬李懋時動

鑒藏寶璽

八璽全

樂壽堂鑑藏寶

收傳印記東郡趙氏思齊景賢家藏寶玩魯

人天水開國李應中家藏寶玩印應中元剛

節齋印方節齋內國外李氏永寶用印鼎王永

寧印王永寧王長安父長安印方長安小太原

印瓢太原印長太原王氏燦南白朱文燦南白瞻

近堂收藏印瞻近堂安野堂光雲圓方光雲

印長神品墨林秘玩構子京項元汴印墨林山

人項墨林鑑賞章光弼樵李項氏士家寶玩

退密項子京家珍藏寄傲項墨林父秘笈之  
印。鹿豕之心。子京所藏平生真賞。菴主印。若  
水軒子孫世昌。樵李墨林神遊心賞。子孫永  
保。墨林子。虛朗齋項叔子。宮保世家。京江靳  
氏。

謹按豫章外集第九卷此文相同。惟特觀其  
妙。其用筆能左右之。二句集作特為絕倫。甚  
妙。於用筆較文義墨跡為勝。節齋宋宗室趙  
與愚號其後諸跋人皆明宣德時閣臣也。京  
江靳氏乃嘉靖間大學士靳貴印。



李公麟山莊圖 一卷

〔本幅〕澄心堂紙本。縱八寸七分。橫一丈六尺一寸。白描山水人物。每段各標名。薌茅館。瓔珞巖。樓雲室。秘全庵。延華洞。雨華巖。泠泠谷。玉龍峽。觀音巖。垂雲汧。〔巖〕在建德館南三百步寶華巖。陳彭滌。寶積峯。墨禪堂。在入路扼金嶺東鵲源。十六景。無名款。鈐印一。伯時。

〔引首〕

御筆。妙寄澄心。鈐寶一乾隆御筆。

前隔水

御題行書。

龍眠居士寫龍眠三李風流宛目前。小畜吉占文  
德懿同人韻事畫圖傳。定評況喜出宗伯。絕構  
真堪匹輞川。我獨白駒思雅什。即今誰是樂林  
泉。甲午仲春月中澣。御題鈐寶二。乾隆

後幅前人題跋

右山莊園與叙文。皆龍眠居士李公麟字伯時真蹟。公居舒之龍眠山。有李公寅字亮工。事冲元字元中。亦龍眠人。三公行誼卓特。志同誼合。相親愛如手足。同年登進士第。未老賦閒。道遥于山南山北。人稱為龍眠三李。此園乃葉石林家。世傳之寶。漁村居士葉隆禮傳之。因為賦詩。龍眠山中春晝長。碧桃始華。梅猶香。他人不如我同姓。嬉遊步步相攜。將或此醉。度深窈。亦或憩磴。聽淋浪。茶甌在手。飛瀑入花片。落面。回風翔。掩眉。出林。報在。客談元列。坐來壺觴。坡頭米筐。新薜綠。美如暹勝。羹勝羊。堂虛几。淨寫芸軸。若非繪事。應詩章。晚棹扁舟。歸對床。明朝風雨。亦山莊人。間行路。戲羊腸。長安信。美非吾鄉。平生丹難。普三友。歲寒茂悅。同行藏。浮雲富貴。遂脫屣。方當頭。黑顏未蒼。燈前掩卷。長太息。淵明



漸老三徑荒。此詩寶祐戊午所賦。景定壬戌  
九日。閱於宜春寓舍。慨然有感。改數語別書  
之。鈴印二。葉隆禮士則父。漁村。  
甲辰清明。同門生文璧。唐寅。徐有錢。獲觀於  
瑞雲堂中。欣賞竟日。各有益也。鑒。  
宣和畫譜。稱龍眠山莊圖。可以配輞川。世所  
傳。皆摹本。雖精工有餘。恨乏天骨。今年遊白  
門。一見此卷。始知真龍。與畫龍迥別。伯時自  
畫。俱用澄心堂紙。惟臨摹用絹素。往見山莊  
圖兩本。皆絹素。不問可知其贗也。董其昌觀  
因題。癸卯八月。鈴印一。董其昌印。

題籤

御筆

李公麟山莊圖

蹟真

鈴寶一。乾隆宸翰。

鑒藏寶璽

八冊

樂壽堂鑒藏寶古希天子壽八徵

老念之寶

收傳印記樞密院編修印太常寺印吳廷吳

廷私印吳氏珍玩邱基立中江陰邱文定公

孫圖書公孫家藏邱壽邁印淞州青笠綠簑

齋藏士印又方印一半印二不可辨

謹按山莊圖傳本極多絹本有沈初明吳康  
虞所藏二卷皆屬作又見真蹟目錄自開得  
於雙溪故家一卷近又見書畫彙考十六景  
亦不全一卷珊瑚網景泰四年王行儉跋一

卷皆與此不合此卷為葉夢得石林家藏十  
六景皆全有宋人跋印真蹟也葉隆禮家秘  
書丞印撰契丹國志者印記內邱文定公宋  
同知樞密院邱密也

李公麟臨洛神賦 一卷

本幅澄心堂紙本。縱八寸八分。橫二丈三尺。  
楷書本賦。白描山水人物。分段高下相間。首  
書黃初三年至其辭曰。次予從京域至車殆  
馬煩。畫一余乃稅駕二句。畫二容與乎楊林至其  
形也。畫三翩若驚鴻四句。畫四仿佛兮至朝霞。畫五  
穠纖得中。至躊躇於山。畫六於是忽焉縱體至  
元芝。畫七余情悅其淑美。至聲哀厲而彌長。畫八

衆靈雜還四句

九畫

從南湘之二妃至若危若

安懼進止難期至令我忘餐

一畫十

於是屏翳

收風四句

二畫十

騰文魚而警衆至曠神消而

蔽光

三畫十

於是背下陵高至思綿綿而增慕

畫十

夜耿耿而不寐至東路

五畫十

攬騑轡以

抗策二句

六畫十

末署名徐僧權滿寫湯法象

丁道祿撰崇朱异天嘉二年十月廿三日

御題

洛神賦第三卷

鈴寶一古希天子之寶

卷末鈐伯時硃印一、龍眠墨印一

御識。龍眠墨印。寶鈎摹者。並識。鈐寶二。比德。

朗潤。

御題行書。

魏帝黃初代。陳王濟洛川。雄詞託鯨踊。遺蹟撫  
龍眠。妙處意無盡。婉如神已傳。風人有深旨。所  
寓在思賢。壬午暮春月。御題。鈐寶二。乾隆。

引首。宋賢遺翰。八分後學文徵明題。鈐印二。

文徵明印。悟言室印。

御題

見乾隆宮所藏宋人臨顧愷之洛神賦圖卷

乾隆丙午新正御

筆。鈴寶二。古希天子之寶。猶日孜孜。

後隔水前人題。

永嘉陳達家藏。

後幅臣工題跋。

右洛神賦卷。嘉禾項墨林故物。近為江村高氏所藏。後有李伯時印。及龍眠墨印。故文待詔題為宋賢遺翰。江村銷夏錄亦題為李龍眠。然按其畫法。與漢李翕五瑞及武梁祠堂

等碑正。同。醇古撰。此不類龍眠門仞。後署天  
嘉二年。為陳文帝即位之次年。辛巳。又有徐  
僧植。滿。壽。等六人題款。當是六朝人遺跡。為  
李龍眠所臨者。陳時去漢未遠。故其筆法與  
漢無異。龍眠之臨此。不用我法。一循古人。尤  
難得也。容巢居士精於鑒賞。所藏皆古人名  
跡。秋間曾見吳道子天龍八部圖。今復見此  
卷。泮年之間。覩此二寶。以為厚幸。因紀姓名  
於紙尾。康熙五十有三年。歲次甲午。冬十有  
一月朔。金壇王澍記於燕臺寓廬。深冬猶暖  
靜對南牕。展玩數四。信至樂也。鈐印二。澍。虛  
舟。

余向見此卷。定為六朝人遺跡。頃見洲。鑒。齋  
書畫譜。始知是晉明帝筆。益信前言之非妄。  
而文待詔題額。果不足為定論也。乙未夏四  
月朔。有六日。重觀書此。王澍鈐印二。澍。若林。



右李龍眠所畫洛神賦。人物之淳古。山川之  
奇異。與馬之雄偉。儀衛之整肅。無不刻畫狀  
貌。窮極工巧。至於一卉一木。其有仙意。望而  
知其為神筆也。至於結處。抗策盤桓。其精神  
全在迴顧之間。使通體警策。乃知古人用筆。  
蓋在無意處著意。使實處皆虛。板處皆活。真  
如杜陵之稱吳生。謂冕旒侍秀發。旌節盡飛  
揚。斯千古不傳之秘也。于公大師。為文待詔。  
公裔孫其筆墨蕭灑。妙得家法。所畫人物尤  
遠。師龍眠。與之頡頏。上下得此卷。最為賞玩。  
因屬題其後。師其寶藏之。世有識者。千金不  
易也。卷末有天嘉年號。知其為六朝手筆。龍  
眠乃其臨本。而自出精意者也。所書賦語。筆  
力尤邁勁。非後世庸弱之筆。並可寶耳。康熙  
壬寅六月初五日。秋泉汪士鋐跋。鈐印三。士  
鋐。秋泉。汪。

九歌圖重龍眠蹟。傳會旋云仿洛神。鈴印墨  
朱雖自宋。署名日月尚標陳。

鑒精詳及茲因彼。寶氣上騰今合刻。濫觴分注昔  
義引伸。魚舊與新。寶氣上騰今合刻。濫觴分注昔

尋岷虎頭堪溯枕中秘。鼎足無非席上珍。即  
小恢之咸。寓大。通先辨偽轉存真。且曹文植敬題。鈴印二。臣  
填。

妙畫通神顧虎頭。洛川容裔寫嬉遊。自從寶  
笈儲。

精鑒。更有龍眠韻事留。李氏圖形果逼真。署名鹿  
不溯梁陳。

幾餘鑒別前蹤古。粉本流傳信有神。遺跡雖殊文  
史藏。瑤函舊弄比球琳。標題更獲蕉林本。補  
綴知他好手臨。藻揆凌波點染工。珠聯璧合  
後先同。

石渠仰識包涵廣。有美咸歸  
睿賞中。臣王杰敬題鈴印二。臣杰

題籤

御筆。李公麟臨洛神賦。上品 鈴寶一。乾隆宸

翰。

鑒藏寶璽。八璽 樂壽堂鑒藏寶。古希天子壽。虛衷

澂照。寓意于物。用筆在心。即事多所欣。五福五

代堂。古稀天子寶。八徵耄念之寶。陶冶賴詩篇。

落紙雲烟。日監在茲。半榻琴書。

收傳印記。睿思東閣。雙龍方印。紹興神品。米  
芾之印。開國。詳遼西郡圖書印。希憲。蘭石主  
人。石川所藏。蘇莽秦采珍藏。臨池齋。印。口一  
倩士。宛委堂印。墨林山人。墨林子京。子京父  
印。項元汴印。墨林祕玩。墨林子。樵李項氏士  
家寶玩。退密。項墨林父祕笈之印。天籟閣。項  
叔子。淨因庵主。樵李嬾道人賞鑑圖書。項子  
京家珍藏。項德粉印。世澤堂藏。青笠綠蓑齋。

藏。浮休翁守齋。高詹事。紅雨軒。澹人。新筍晚  
花時。沿州王澍印。苦林父印。石軍子孫容巢  
鑒定。清譽堂藏。洵遠。

謹按唐盧元卿法書錄。官本梁則滿為徐僧  
相。沈熾文朱昇署名。徐浩古蹟記亦云。齊梁  
以後傳秘跋尾。徐僧權唐懷充姚懷珍滿  
朱昇等署名。此卷有徐僧權等姓名。又有陳  
元嘉年月。是側恆之原畫。入梁秘府。諸臣署  
名。傳至陳而後題。年月公麟臨顧畫。遂并寫  
其題識。以見臨摹。所自故字蹟出一手。無足  
疑。贊。况宣和諸興。代有鈴璽。又宋則米芾元  
則廉希憲。明則項元汴。皆有印記。近高士奇  
江村銷夏錄所載亦同。內石川所藏一印。考

明張袞。號雲霄。皆號石川。未知孰是。嚴氏書  
畫記亦載是蹟。



李公麟撫韋偃牧放圖 一卷

本幅絹本。縱一尺四寸三分。橫一丈三尺三寸。著色畫馬千餘匹。牧者百餘。款臣李公麟

奉勅摹韋偃牧放圖 卷

御題行書。

將軍弟子韋與韓。往往畫馬遺人間。一匹價值千金驥。攻駒富牧何曾傳。伯時奉勅摹粉本。神蹟重似見韋偃。餘惟畫肉杜老嗤。獨於偃也無



敗損。薄言駟者。錦繡張。飲秣適性。力乃強。勸埋  
肉。脹固無數。此中不少。駮駟藏。但養其駿。棄其  
駮。駮多駿。鮮非良圖。兼容并包。擇賢用。既有伯  
樂。駿豈無。辛未春三月。御題。鈴寶二。乾隆。

後幅明高帝跋。

朕起布衣。十有九年。方今統一天下。當羣雄  
鼎沸。中原命大將軍。率諸將軍。東蕩西除。其  
間跨河越山。飛擒賊候。摧堅敵。破雄陳。每思  
歷代創業之君。未嘗不賴馬之功。然雖有民  
騎。無智勇之將。又何用也。今天下定。豈不居  
安慮危。思得多馬。牧於野郊。有益于世。子

孫使有防邊禦患備慮。開洪武三年二月二十三日。坐于板房中。忽見羽林將軍葉昇。攜一卷。詣前展開。見李伯時所畫。唐良將。豈問宵有紫塞之景。於戲。目前盡復唐良將。豈問宵中千畝機。

### 後隔水

御題。

向於卷中見明高帝墨蹟。英氣颯颯。迸露豪楮。恍覩其儀表。辛未春。省方南至江寧。奠孝陵。謁遺像。周覽宮闕舊趾。俛仰慨然。重展是卷。因併

識之。乾隆御筆。鈐寶二。乾隆宸翰。幾暇臨池。

題籤

御筆。李公麟撫韋偃牧放圖。妙品內府珍藏鈐寶一。乾

隆宸翰。

鑒藏寶璽

八璽全

樂壽堂鑑藏寶。古希天子。五福五


代堂古希天子寶。壽。八徵耄念之寶。

收傳印記寶。記。政味。政餘。宣和中祕宣和。

紹興。悅生。帝圖書。康皇帝寶。萬歷之璽。內

府圖書之印。御府圖書。宣和書學博士江南  
徐氏仍孫。黃氏家藏。孫承澤印。梁清標印。焦  
林鑑定。蕉林秘玩。蕉林藏書畫印。蒼巖子。蒼  
巖觀其大略。又二印不可辨。

謹按此圖見庚子銷夏記所敘述高帝跋正  
同。某帝圖書。上一字不可辨。又有康皇帝寶  
一。考懿文太子。建文時追尊為孝康皇帝。或  
當時高帝跋後。即賜懿文太子。至惠帝追尊  
後。鈴寶以誌先澤耳。



李公麟十八學士圖 一卷

〔本幅〕素牋本。縱八寸四分。橫七尺二寸二分。白描人物。三人圍几。又三人坐。一人立。同觀畫。又四人坐榻倚書。或執扇撥阮。一人盥。又二人坐。一人立。又二人奕。一人執扇觀之。侍而執事者十人。欽元祐二年春三月。李公麟畫。鈐印二。公麟龍眠居士。又壁角騎縫龍眠居士印五。

御題行書

府開天策敦儒林。章縫魚雅欣合簪。優游永日  
夫何事。未必徒耽經史資。歌吟當時學士數十  
八。世間爭羨登瀛洲。而入琳闕。試問闕家右相  
傳神筆。是中誰果真仙骨。我聞潛龍勿用子之  
網。通易豈必惟京房。雍容羣彥倘陳及。庶其禍  
彌闕于牆。春秋要欲責賢備。我偶為歌申其義。  
伯時摹古購長圖。有合闕乎姑且置。乾隆御

是鈴寶二幾暇怡情得佳趣。

後幅前人題跋

藏洲賦。鯨波沸兮底平。鼉極峙兮不驚。入  
絃揮兮氣翳。合壁觀兮重明。開天策兮上府。  
表蓋世之元勳。刻羣雄而削迹。挽銀漢而洗  
兵。噓文猷於寒灰。開儒館於神京。坤珍萃乎  
華壤。淵建隱乎天聲。於是攀麟附翼之彥。行  
鴻振鷺之英。咸游泳於瑤池。儼翔翺翔於  
明廷。觀其房以謀用。杜以斷稱。虞姚之傳學  
孔陸之窮經。兩蘇起河東之後。二李著國姓  
之貞。敬宗拔於民曹。志寧綴於郎星。少雲臺  
之十將。多元愷之二朋。分六子以並直。各三  
番而遞更。登以清都之幽邃。給以天厨之奇  
珍。贊以褚亮之珠玉。繪以立本之丹青。香風



日之不到。隔仙凡於幾塵。此世俗之所景慕。而瀛洲所以得名也。是洲也。環以學海之波。聳以羣玉之峯。芝田花島之參差。靈卉異石之清蔥。圖書闢東壁之祕。經史紬金匱之封。振振公子之麟。濯濯人中之龍。雍容倥傯之丰儀。飄落喬晉之心骨。以至仁為却老之方。乘浩氣為冲舉之功。講論即吐納之妙。揖讓即屈伸之容。清談霏乎瑞露。長嘯吐乎長虹。是皆妙幕府之逸。儲將相之雄。方將開太平以貽後世。又何羨乎生羽翰而蹈遺風。彼秦漢之荒唐。惑方士之愚計。望三神於渺茫。引風舟而莫至。是皆求仙山於方外。而不知識洲之在人世。羌馳情於虛無。而不知人傑之為貴也。當大元之麗空。布天網於無際。跨黃樓之鶴羽。折廣寒之蟾桂。參霞佩於羣仙。盍埃風於萬里。化鵬鵬於須臾。望蓬萊於咫尺。必

願力主之我分期凡骨之早晚  
四年秦王開天策上將府開館言  
之士以府屬杜如晦記室房元  
學褚亮姚思廉主簿李元道參  
元敬顏相時諮議典籤蘇鼎天  
郎于志寧軍諮祭酒蘇世長記  
李守素助啟陸德明孔穎達信  
州總管戶曹許敬宗並以本官  
士分三番更日直宿供給珍膳  
王朝謁公事之暇引見討論經  
寂使庫直閣立本畫像褚亮為  
學士得預選者時人謂之登瀛  
時摹本與閣畫無纖微不悞  
鈴印三靖之俞綸用中  
唐日文皇多俊傑宏開文館聚  
業千年蹟將相才華一代賢學  
講但看揮王

塵道高應不在青編。商周而後真稀有。含象  
亭高果足肩。丹邱柯九思。鈴印一柯敬仲氏。  
聖主崇儒禮遇寬。羣賢濟濟上金鑾。討論不  
倦心逾切。談笑相忘夜已闌。翰苑聞名千古  
重。瀛洲人物萬年看。如今畫裏瞻丰采。恨不  
從游一問安。巴西邱文原。鈴印一裕齋。  
志同道合君臣義。千載風雲喜相際。宸遊黼  
黻效忠良。獻納從容無以替。研精至理夜忘  
眠。為育斯民天下計。九州人共樂雍熙。樂一  
年來延世繫。遂令擬作登瀛仙。直文圖彌。  
遠追公。往事咨嗟不可攀。于今復親皇元治。  
登庸庶府盡賢才。豈特唐朝十八士。至元四  
年戊寅冬。虞集鈴印一。虞集。

題籤

御筆。李公麟十八學士圖。龍鈴寶二。御賞。乾隆宸翰。

鑒藏寶璽

八璽全

樂壽堂鑑藏寶。古希天子。五福五

代堂古稀天子寶。壽八徵耄念之寶。追琢其章。

收傳印記。御書之寶。紹興雙龍印。米芾之印。

勾德元圖書印。黃蒙審定。琅琊王氏家藏。李

修吾家藏書畫印。華氏玩賞圖書。陳氏圖書。

嚴氏珍藏。都穆。□□文子壽。鶴林小隱。王

氏孟南。張氏安國。繼康。仲易。孟賢。綠水園。伯  
器。桂坡。安國。賞鑑。莫旦。景周。韓印。又半印八  
不可辨。

謹按俞樾所書。乃元蒲紹簡登瀛洲賦。其按  
語。即蒲賦之序。蒲紹簡因秋闈取士。命此為  
題。作賦以獻。是卷曾入宋祕府。勾德元國書  
印。乃王說印。見米芾書史。

李公麟吳中三賢圖 一卷

本幅絹本縱八寸八分橫三尺二寸五分白  
描三賢像右隸書題吳中三賢像詠已將勲  
業等浮鷗鳥盡弓藏見遠謀越國江山留不  
住五湖風月一扁舟范蠡西風淅淅動高梧  
目送浮雲悟卷舒自是歸心感秋色不應高  
興為鱸魚張翰杞菊蕭條遠屋春不放鵝鴨  
惱比鄰滿身花影猶沈醉真是江湖一散人

陸龜蒙俱在像右別紙款覽夢得所藏吳中  
三賢因各書絕句鄆王押鈴印一鄆王之印  
御筆分題行書

事濟飄然避世喧五湖煙水意行存種山不聽  
幾先語第八徒悲犯玉門琴語同開八洛船  
思吳反棹那俄延祇今朗咏黃花句也占風流  
五百年三日饒州即去之葛中瀟灑信天隨  
釣車茶具聊攜處相訪惟應李與皮吳中三

賢圖各系以詩。乾隆丙子夏六月御筆。每段分  
鈐寶。會心不遠。德充符。激觀比德。朗潤。

避禍先機。泛五湖。高於文種。信誠乎。雖然既識  
身。世累。治產逐時。又底須。任達江東。號步兵。

平生出處。皎然清。而今欲問。思尊者。果否能逃  
身後名。放浪江湖。任所之。筆牀釣具。自相隨。  
雖多倡和。稱麓美。吾謂斯人。遠勝皮。每段分  
鈐寶。古希天子。猶日孜孜。比德朗潤。幾暇怡情。



得佳趣

後隔水

御題

按卞永譽書畫彙考亦載是卷其三賢詩與鄆王識語款押朱印均與此相符惟永譽載鄆王押下有細書王即徽廟四字又有按徽廟始封號王鄆王名楷非徽廟也本注有誤十九字注皆此卷所無永譽所辨鄆王非徽宗是已然鄆

王楷即徽宗第三子。永譽亦未詳考。至所載王  
即徽明四字。當是卷中本注之誤。其按語小註  
乃永譽所增。今卷中俱無。又按鄆王之印下。即  
接隔水。前後鈐縫三印。皆存半。其為重裝時裁  
去識語。并將鈐印割裂。已無疑義。因重題是卷  
檢閱及之。並識如右。甲辰春閏。御筆鈐寶二。  
古希天子。猶日孜孜。

鑒藏寶璽

八璽

樂壽堂鑒藏寶。古希天子。壽。八徵

老念之寶

又有卞永譽書畫彙考同印記

收傳印記

崔字旁半印

賈洵賈氏圖書翰印天籟

閣項墨林父祕笈之印子京父印子京平生

真賞淨因

印永保印家珍藏

印神品項元汴

印子京所藏樵李項墨林鑒賞章寄教宮保

世家退密項子京家珍藏子孫永保墨林秘

玩神遊心賞墨林子樵李項氏士家寶玩墨

林山人項叔子子孫世昌姚友明印

謂按王即徽廟四字乃汪所注見冊

御  
其仰  
之博審

李公麟醉僧圖 一卷

本幅素箋本。縱一尺橫一尺九寸。白描畫老僧醉坐松石上。握筆童子伸紙送酒者二人。款李伯時畫。

御題行書

書抗顛張顛。禪契元奘元。兩童抱鑪來。三百青銅錢。醉筆一揮灑。楚紙生雲烟。使云狂亦得。堪謂佛而仙。丁卯仲春月。御題鈴寶三。滋觀幾。

暇怡情。乾隆宸翰。

白衣送酒似淵明。不著送為公。與卿已足高傳。  
醉僧趣書時。那緊老泉名。鈴寶二。乾隆。

身似枯禪心似灰。醉中把筆笑顏怡。公麟津逮。  
僧繇法貌出公孫。看舞迴。丁丑春。御筆再題。  
鈴寶二。會心不遠。德充符。

引首

御識

鐙影往來游絲無迹古香齋節思翁所題語  
丁卯御筆鈐寶四乾隆宸翰漱芳潤微言晰纖  
豪。深心託豪素。

前隔水

御識。

米元章謂李公麟畫人物秀發各肖其形無一  
點塵埃氣此醉僧圖尤其得意作天趣盎然想  
見酒氣拂拂從十指間出非通神者安足語此

乾隆丁卯春正月御題鈴寶三幾暇怡情乾隆

後幅

御識

按是圖卞永譽書畫彙考送酒詩下綴有老泉  
書懷素詩并倣其草法卞一字。又詩後有跋署  
款云東村閒居方外堂字金書亦不識其為何  
人。今按圖畫見聞志載張僧繇作醉僧圖懷素  
有詩即此絕句。載全唐詩戲鴻堂刻是帖則云



或東坡曾書此詩。為人誤入集中。而卞永譽書畫彙考載此圖之董跋。又以為老泉書。則其昌說已岐出矣。而是卷中董跋亦失去。又蘇軾集載是詩。題作題懷素草帖。是一詩也。或云懷素。或云東坡。一書也。或云老泉。或云東坡。鑒賞者但當論書畫之佳否。不必泥記載之糾紛。與其輕信。無若闕疑。乾隆甲辰新正。再識鈴寶二。古希天子。猶日孜孜。附前人題跋。

人人送酒不曾沽。終日松間掛一壺。草聖欲  
成狂便發。真堪畫作醉僧圖。唐僧懷素以草  
書名天下。唐賢善書者亦推重之。素有自叙  
一篇。備載諸人之詞。素深喜絹書。吾家前後  
所得數軸。了無紙上一字。最先所得。乃人入  
送酒之詩也。老泉山人學書垂四十年。每愛  
此詩。時時寫之。不下數十張矣。龍眠李伯時  
因是詩。遂作此畫。頗能狀醉僧之態。而老泉  
所書。自成一種風格。所為二妙圖耳。東村間  
居方外堂。字食畫。  
鑑古齋雅玩。

題籤

御筆。

李公麟醉僧圖。

長春書屋珍  
秘。無上神品。

鈐寶二。御

賞。乾隆宸翰。

鑒藏寶璽

八璽金

樂壽堂鑒藏寶。古希天子。五福五代堂古稀天子寶。壽。八徵耄念之寶。內府書畫之寶。稽古右文之璽。御賞。

收傳印記

司印

詳董姓圖書張羽鈐壽隆私

印。有何不可。虛朗齋。窩氏家藏。梁繼忠敏之裔。叔成圖書。宮保世家。邗上張鏐黃美拜觀神品。退密。項元汴印。墨林秘玩。墨林山人。項。

子京家珍藏。項墨林鑒賞章。遽廬。項子京氏。  
隱居放言。桃花源裏人家。墨林堂。香岩居士。  
子京珍秘。世外法寶。煮茶亭長。墨林。項季子。  
章。攜李項氏士家寶玩。駕鵞湖長。棲巖精舍。  
項墨林鑑賞法書名畫。子子孫孫。父已子孫。  
項元汴氏審定真蹟。天籟閣。子孫世昌。蕉林。  
梁氏書畫之印。蒼巖子。蕉林秘玩。淨因。  
賞。印半永保。印半真賞。印半田疇。印半又二印不可辨。

謹按是蹟見冊胡網



李公麟五馬圖 一卷

〔本幅〕素牋本。縱八寸七分。橫六尺七寸三分。設色畫。人牽一馬。第一題。右一匹。元祐元年十二月十六日。左騏驎院。收于闕國。進到鳳頭驄。八歲。五尺四寸。第二題。右一匹。元祐元年四月初三日。左騏驎院。收董擅。進到錦膊驄。八歲。四尺六寸。第三題。右一匹。元祐二年十二月廿三日。於左天駟監。揀中秦馬好頭。

赤。九歲。四尺六寸。第四題。元祐三年閏月十九日。溫溪心進。照夜白。第五無題識。

御識行書。

前四馬皆著其名與所從來。而此獨逸。豈即曾紆跋中。所稱滿川花耶。要非天閑名種。不得入伯時腕下。當是後人竄取題識真蹟。別為之圖。以炫觀者。是以并公麟姓名割去。楮尾更無餘地。亦其證也。御筆。鈴寶一。激觀。



御題

龍眠手寫五馬圖。一一驥院之英駿。來自于闐  
或董種事。擬天馬登歌韻。即今哈薩及布魯。歲  
市為常。無論萬。愛烏罕更遠於彼。馬高七尺有  
八寸。五馬之高不足稱。于思牽來敬以進。育之  
天閑。聊備數。未如上<sup>四</sup>調習順。然今老矣。逾古  
稀。那似昔年磬控迅。展圖自愧且自憐。石火光  
陰速誠信。甲辰新正之月。御題。鈐寶二。古希



天子猶日孜孜附黃庭堅跋。

余嘗評伯時人物似南朝諸謝中有遺幅者然朝中士大夫多歎息伯時久當在臺閣僅為喜畫所累余告之曰伯時邱壑中人愛熱之聲名僅來之軒冕此公殊不汲汲也此馬馭駿頗似吾友張文潛筆力崔雲所謂識鞭影者也黃魯直書

引首

御題。

杜陵題畫馬不一。要貴取義非修辭。當時此技誰絕勝。陳閔曹霸臻神奇。幹雖畫肉不畫骨。天

閑萬驥皆能師。後來繼者何寥寂。三百年始得  
伯時。橫圖迴立見五馬。權奇沛艾天英之鳳頭。  
驄來于闐國。董犢錦膊翩相隨。天駟最數好頭  
赤。照夜白倣唐名為其後。一馬失題識。昂藏殊  
相星瞳輝。藝成放筆一馬殂。太僕惆悵何爭差。  
我聞元祐多正士。拔茅雲路驂騶驪。伯時軒冕  
有弗屑。喜畫畫馬能累斯。清流往往禍自取。姓  
名未泐安民碑。丹青結構有深意。同人藻鑑遙

應知。芻秣豆飼信堪羨。那免按隊牽金羈。乾  
隆癸酉春。御題鈴寶五。用筆在心。虛衷澂照。乾  
隆宸翰。思無邪。鑑古。

後幅

余元祐庚午歲。以方聞科應詔來京師。見魯  
直九丈于鰲池寺。魯直方為張仲謨牋題李  
伯時畫天馬圖。魯直謂余曰。異哉。伯時貌天  
虎滿川花。放筆而馬殂矣。蓋神駿精魄皆為  
伯時筆端取之而去。此實古今異事。當作數  
語記之。後十四年。當崇寧癸未。余以黨人貶  
零陵。魯直亦除籍徙宜州。過余滿湘江上。因  
與徐靖園朱彥明。道伯時畫我滿川花事。云

此公卷所親見。余曰：九丈當踐前言記之。魯直笑云：只以此一件罪過。後二年魯直死。敗所。又廿七年。余將漕二浙。當紹興辛亥至嘉禾。與梁仲誤。吳德素張元覽泛舟訪劉廷仲。于真如寺。延仲遽出。是圖開卷錯認。宛然時昔撫事念往。逾四十年。憂患餘生。歸然獨在。彷徨弔影。殆若異身也。因詳叙本末。不特使來者知伯時一段異事。亦魯直遺意。且以玉軸遺延仲。俾重加裝飾云。空青曾紆公卷書。

鑒藏寶璽

八璽全

樂壽堂鑑藏寶古希天子壽八徵

老念之寶

收傳印記 睿思殿 紹興 詢村 九思 柯氏 秘笈

張寔發印。希世之珍。三槐堂書畫記。道學風流。宋學審定。商邱宋學審定真跡。緯蕭草堂畫記。其永寶用。寶印又一印不可辨。

謹按董穉溫溪心皆吐著首領事具宋史曾紆字公卷號空青老人曾布之子見山谷詩集注元周密雲烟過眼錄云王子慶所藏李公麟天馬圖鈔其標名與是卷合亦祇四馬又見珊瑚網書畫彙考均同